



欽定歷代職官表

11

保
4514
1



7冊
4544
1-24

十 廌 歷
二 密 伏
齋 七 臙

光緒二十二年秋九月
廣雅書局校刊

上諭

乾隆四十五年九月十七日奉

上諭國初設官分職不殊周官法制及定鼎中原參稽前代不繁不簡最爲詳備其間因革損益名異實同稽古唐虞建官惟百內有百揆四岳外有州牧侯伯奮庸熙載亮采惠疇周則監於二代立三公三孤秦漢以後爲丞相爲中書門下平章知政事明洪武因胡惟庸之故改丞相爲大學士其實官名雖異職守無殊惟在人主太阿不移簡用得人則雖名丞相不過承命奉行自改稱大學士而所任非人竊弄威福嚴嵩之流非仍名大學士者乎蓋有是君方有是臣惟后克艱厥后庶臣克艱厥臣昔人言天下之安危係乎宰相其言實

似是而非也至六官卽今之六部周禮典制綦詳要亦本於唐虞司徒秩宗諸職外而督撫自秦漢以來所稱守牧節度行省卽唐虞十二牧之遺歷朝改革建置紛如難以勝數我國家文武內外官職品級載在大清會典本自秩然至于援古證今今之某官卽前某代某官又或古有今無或古無今有允宜勒定成書昭垂永久俾覽者一目了然現在編列四庫全書遺文畢集著卽派總纂總校之紀昀陸費墀陸錫熊孫士毅等悉心校覈將本朝文武內外官職階級與歷代沿襲異同之處詳稽正史博參羣籍分晰序說簡明精審毋冗毋遺其議政大臣領侍衛內大臣八旗都統護軍統領健銳火器營內務府並駐防將軍及新疆增置各官亦一體詳晰

考證分門別類纂成歷代職官表一書由總裁覆核陸續進呈候朕閱定書成後卽以此旨冠於卷首不必請序列入四庫全書刊布頒行以昭中外一統古今美備之盛因首論丞相一官餘可類推覽是篇者其各顧名思義凜然于天工人代兢兢業業夙夜靖共以庶幾克艱無曠之義欽哉特諭欽此

乾隆四十八年十月初二日奉

上諭朕閱館臣所進職官表志詹事府一門其按語內稱詹事爲東宮官屬我國家萬年垂統家法相承不事建儲冊立詹事府各員雷以備詞臣遷轉之階等語是書館臣因朕前降諭旨於建儲一事之斷不可行明切訓示故據按語內特爲

揭出其實書生拘迂之見豈能深計及此且使是書流傳後世安知不又訾議館臣爲無奈迎合論旨非其本懷耶用是不得不再爲明白宣諭夫堯授舜舜授禹唐虞回公天下卽禹之傳啟亦非於在位時有建立太子之事三代以後人心不古秦漢預立太子其後爭奪廢立禍亂相尋不可枚舉遠而唐高祖立建成爲太子至於兄弟相殘建成被害近而明神宗朝羣臣奏請預立國本紛紜擾亂大率皆爲後來希榮固寵之地甚至宵小乘間伺釁釀爲亂階如梃擊等案神宗召見太子泣爲慰藉父子之間至於如此閱之真可寒心可知建儲冊立非國家之福召亂起釁多由于此卽以我朝而論

皇祖時理密親王亦嘗立爲皇太子且特選公正大臣如湯斌者爲之輔導乃旣立之後情性乖張卽湯斌亦不能有所匡救羣小復從而盡惑遂至屢生事端上煩

皇祖聖慮終至廢黜且卽理密親王幸而無過竟承大統亦不過享國二年其長子弘皙縱欲敗度不克幹蠱年亦不永使相繼嗣立不數年間連遭變故豈我大清宗社臣民之福乎是以

皇祖有鑒于茲自理密親王旣廢不復建儲迨我

皇祖龍馭上賓傳位

皇考紹登大寶十三年勵精圖治中外肅清

皇考敬法

前徽雖不預立儲位而於宗祏大計實早爲籌定雍正元年卽親書朕名緘藏於乾清宮正大光明匾內又另書密封一匣常以隨

身至雍正十三年八月

皇考升遐朕同爾時大臣等敬謹啟視傳位於朕之

御筆復取出內府緘合密記合對昭合人心翕然此天下臣民所

共知者也朕登極之初恪遵

家法以皇次子乃

孝賢皇后所生嫡子爲人端重醇良依

皇考之例曾書其名藏於乾清宮正大光明匾額後乃稟命不融未幾薨逝遂命大學士鄂爾泰張廷玉將其名撤出追諡爲

大三百七十

端慧皇太子是未嘗不立嫡也但不以明告眾耳嗣後皇七子亦

孝賢皇后所出秉質純粹深愜朕心惜不久亦卽悼傷其時朕視皇五子于諸子中覺貴重且漢文滿洲蒙古語馬步射及算法等事並皆嫻習頗屬意于彼而未明言乃復因病旋逝設依書生之見規仿古制繼建元良則朕三十餘年之內國儲凡三易尙復成何事體是以前於癸巳年復書所立皇子之名藏於匣內常以自隨是年

南郊大祀令諸皇子在

壇襄事曾以所定皇子默禱於

上帝若所定之子克承堂構則祈

聖旨表卷首
四
昊蒼眷佑俾得年命延長倘非

天意所屬則速奪其算朕亦可另為選擇毋悞我國家宗社生民
重寄本年恭詣盛京祇謁

祖陵亦如告

天之言默祝於

太祖

太宗之前仰祈

靈爽式憑永垂昭鑒朕非不愛子也朕以宗社為重若朕之子孫
皆以朕此心為心實大清國億萬斯年之福也今日召對諸
皇子及軍機大臣面降此旨即朕前所默告

上帝

祖

宗之言豈容有絲毫虛飾耶朕於天下一切庶務無不宵旰勤求
悉心籌畫寧於繼體託付之重轉不早為定計乎秋閒朕於
避暑山莊河岸御鎗打鷓鴣失足落水溼衣其時不特御前
王公大臣等聞知俱即趨至問安即漢軍機大臣亦接踵前
赴該處朕仍率伊等談笑而行並未有因內廷禁地太監等
敢於阻止設朕起居偶有違和太監等俱可直詣寢所此皆
由朕平日君臣一體無日不接見諸臣面承諭旨何至有若
前代夜半禁中出片紙之語為杞人之憂乎總之建儲一事
即如井田封建之必不可行朕雖未有明詔立儲而於

天

祖之前既先為齋心默告實與立儲無異但不似往代覆轍之務
 虛名而受實禍耳故現在詹事官屬雖沿舊制而其實一無
 職掌祇以備員為翰林陞轉之資耳因再明切宣諭我子孫
 其各敬承勿替庶幾億萬年無疆之休其在斯乎總之此事
 朕亦不敢必以為是其有欲遵古禮為建立之事者朕亦不
 禁俟至於父子兄弟之間猜疑漸生釀成大禍時當思朕言
 耳並諭館臣將此旨冠于是編之首俾天下萬世咸知朕意
 欽此

辦理歷代職官表諸臣職名

正總裁

皇 六 子 多 羅 質 郡 王 臣 永 琿

皇 八 子 多 羅 儀 郡 王 臣 永 璇

皇 十 子 一 子 臣 永 瑛

經筵日講起居注官太子太保 御前大臣議政大臣領侍衛內大臣 武英殿大學士 文臣 阿 桂

經筵日講起居注官太子太保 文淵閣大學士兼吏部尚書總管內務府大臣 臣 英 廉

經筵講官太子太保 御前大臣議政大臣領侍衛內大臣 文華殿大學士 臣 和 珅

文淵閣提舉閣事管吏部戶部理藩院事總管內務府大臣世襲一等男 臣 福 隆 安

原任太子太保 御前大臣議政大臣領侍衛內大臣兵部尚書兼 臣 副總裁

管工部內務府總管 文淵閣提舉閣事一等忠勇公和碩額駙 臣 副總裁

經筵講官太子少傅東閣大學士兼戶部尚書臣梁國治
經筵講官戶部侍郎今任戶部尚書兼管順天府府尹臣曹文植
經筵講官吏部侍郎今任禮部尚書臣彭元瑞
經筵講官吏部侍郎今任兵部尚書臣王杰
戶部侍郎今任工部尚書總管內務府大臣臣金簡
經筵講官戶部侍郎臣董誥
原任經筵講官文淵閣直閣事詹事府少詹事續任禮部侍郎臣陸費墀
兵部侍郎今任江蘇學政臣沈初
總纂

文淵閣直閣事兵部侍郎今任都察院左都御史臣紀昀
文淵閣直閣事大理寺卿今任光祿寺卿福建學政臣陸錫熊

大二百七十九

太常寺少卿今任兩廣總督臣孫士毅
總校

原任經筵講官文淵閣直閣事詹事府少詹事續任禮部侍郎臣陸費墀
提調

日講起居注官文淵閣校理翰林院侍講學士今任翰林院侍讀臣德昌

文淵閣校理翰林院編修今任京畿道監察御史臣百齡

軍機處行走刑部郎中臣范鏊

原任軍機處行走工部郎中臣蔣謝庭

纂修

翰林院庶吉士今任翰林院編修臣馮集梧

內閣中書今任宗人府主事臣鮑之鍾

職官表卷首

職名

廣雅書局

內閣中

書臣顧宗泰

臣沈叔埏

臣周有聲

進士今任內閣中書臣柴模

臣吳樹萱

進士今候補內閣中書臣張經田

進士今候選知縣臣范灃

收掌

原任翰林院筆帖臣約宗武

翰林院筆帖臣兆顯

臣赫倫泰

六八

多羅質郡王 臣 永塔等奉

勅修纂歷代職官表全書告成謹奉

表恭

進者伏以

天祐命而樹之君式布亮工之典

聖建邦而分之職聿昭熙績之經自雲紀龍紀鳥紀火紀以來

代多因革惟汝翼汝為汝明汝聽之訓人奉憲章蓋責實

者必循其名而證今者貴求諸古欽惟我

皇上

道備君師

治臻巍煥

職官表卷首

表文

一

廣雅書局刊

綜萬幾以兢業

咨百爾以弼諧慎乃憲省乃成一心正朝廷之本疇若工咨

若采六事秉綱紀之原緬我

朝勅制顯庸監往古而立極繁

列聖建官位事垂永世以重光八旗列而大告乎

武成三院興而筆敷乎

文治爰逮彌綸於六合實先澄敘夫九流凡貽諸奕世而不爲承

皆鑒於前代之所以失時庸惇敘而宗藩鈴束之迹除奉

揚

絲綸而中書票擬之弊革用人由

特簡而法不撓於廷推封事盡昌言而習不流於私訐著會讞

覆奏爲定制而一洗厥備之灼薰領七司三院以重臣而
悉屏奄寺之竊弄至於典因時制事不前承伯克宰桑合
舊藩新部而儋爵祿火器健銳並列營超隊以著旗常駐
防則布在雄疆肅如禁旅領直則置因延閣典重祕書其
他內綱外維率以遵王之道遵王之路小廉大法俾之罔
有不欽罔有不臧斯則凜

聖神之作述以勵庶官宜惟仰

睿智之照臨以迪允德

治旣光於往古

訓實示乎周行乃者因略錄之蒐羅卽班聯而尋泝猥以

鉅製

命及諸臣采表體於遷固之編考命官自唐虞之冊累代則相
銜而下異同損益之畢陳分曹則就列以班詳略是非之
互見或稱名惟舊而考職多殊或班爵由今而尋源不別
或臚諸往牒而功令從芟或徵自新銓而史策未備莫不
衷諸典要觀其會通上本六經旁參百氏繁則連牘簡或
片言期於準我

朝之美備以等百王足使昭有位之箴規以

詔後世發凡起例早欽體要之

親宣正舛訂譌復荷精微之類

示迭更寒燠載葳蕤編粵稽書載官儀勅由應劭迨六典百司
之作遞有鋪張越具員分紀之編非無纂述集賢承旨每

編舉其頭銜官制職林或拘限於時代惟樂安任職氏頗

及沿革之大凡而官品纂要書未致古今之詳備方斯

祕帙譬若椎輪蓋惟

聖人著作之大成永爲萬古臣鄰之極則豈徒誇其博綜軼彼
類林而已哉臣等忝預編摩竊慚蕪陋稽古卽所以奉職
恆虞鉛槧多疏顧名因藉以誦箴敢不冰淵共凜樹三宅
三俊之範

敷文命以裕無疆宏五服五章之謨際

昌期而瞻有耀臣等無任瞻

天仰

聖踴躍欣忭之至謹奉

表恭
進以

聞

欽定歷代職官表目錄

大一百六十五

卷一

宗人府

卷二

內閣上

卷三

內閣中

卷四

內閣下

卷五

吏部

職官表卷首

目錄

一

廣雅書局印

卷六

戶部

卷七

戶部三庫

卷八

戶部倉場衙門

卷九

禮部

卷十

樂部

卷十一

禮部會同四譯館

卷十二

兵部

卷十三

刑部

卷十四

工部上

卷十五

工部下

卷十六

戶工二部錢局

卷十七

理藩院

卷十八

都察院上

卷十九

都察院下

卷二十

五城

卷二十一

通政使司

卷二十二

大理寺

卷二十三

翰林院

卷二十四

經筵日講起居注官

卷二十五

文淵閣閣職

卷二十六

詹事府

卷二十七

太常寺

卷二十八

壇

廟各官

卷二十九

陵寢各官

卷三十

光祿寺

卷三十一

太僕寺

卷三十二

順天府

六八十七

卷三十三

鴻臚寺

卷三十四

國子監

卷三十五

欽天監

卷三十六

太醫院

卷三十七

內務府上

卷三十八

職官表卷首

目錄

四

廣雅書局

內務府下 太監職制附

卷三十九

內務府上駟院

卷四十

內務府奉宸院

卷四十一

內務府武備院

卷四十二

鑾儀衛

卷四十三

領侍衛內大臣

卷四十四

八旗都統

卷四十五

前鋒護軍統領

卷四十六

步軍統領

卷四十七

火器健銳虎鎗各營

卷四十八

盛京將軍等官

卷四十九

取官表卷首
五
盛京五部等官

卷五十

總督巡撫

卷五十一

學政

卷五十二

司道

卷五十三

知府直隸州知州等官

醫學陰陽學等官附

卷五十四

知州知縣等官

卷五十五

各省駐防將軍

卷五十六

提督

卷五十七

總兵副將

卷五十八

參將遊擊等官

卷五十九

河道各官

卷六十

職官表卷首

目錄

六

廣雅書局印

職官表卷首
漕運各官

卷六十一

鹽政

卷六十二

關稅各官

卷六十三

各處駐劄大臣

卷六十四

宗室封爵

卷六十五

世爵世職

卷六十六

聖賢後裔

卷六十七

師傅保加銜

卷六十八

文武官階

卷六十九

王府各官

公主府官附

卷七十

新疆各官

卷七十一

職官表卷首

目錄

廣雅書局采

職官表卷首
藩屬各官

卷七十二

土司各官

御製詩

職官表聯句 有序

惟王建國綜六典以正萬民咨汝亮工撫五辰而凝庶績
越二十二朝之損益遐哉烏火雲龍溯三百六十之源流
備矣工虞禮樂昨者書成祕閣因四庫以考職官今當慶
洽初韶宴重華而賡喜起自漢浴秦制更張三統規模宋
仿唐階參錯六朝建置元興草創略踵遼金明季淪胥漸
渝洪永惟治人斯有治法而守道不如守官我國家祇敘
天工肇修人紀

龍興締造首詳三院之名虎旅奮揚爰建八旗之號定鼎而折
衷百代因時有增設之員勅幾而澄敘九流接覲無貨權

之事以至祗膺列爵札薩克世奉屏藩底定新疆衛拉特
勢聯侯尉武成文守大法小廉品秩所以釐然班聯於斯
肅矣乃欲循名而責實必先援古以證今申命儒臣博徵
往蹟立表而體兼乎志權商遷固之遺文緯史而義準諸
經斟酌虞周之舊典芻行直上勤乙覽以披函列署分曹
勵寅清而示鑑四千載目張綱舉徧攬前聞廿八人環轉
珠聯合形新詠庶幾歌風解阜我君臣相悅以同聲更期
思日贊襄爾寮采協恭以將事

御製股肱元首勛明良表撰職官勅慎詳乾隆庚子九月諭四庫館臣以國家設官分職制度詳備不殊周官其間因革損益名異實同今之某官即前代某官又或古有今無古無今有允宜勒定成書因命將本朝文武內外官職階級與歷代沿革異同之處詳稽博考纂成職官表錄入四庫全書刊布頒行以昭中外一統古今美備之盛

親族猶先重堯典

宗人府即歷代之宗正寺掌皇族屬籍以時修輯 玉牒辨序昭穆爵祿均其惠養教

令焉設官有宗令左右宗正左右宗人府丞左右理事等官分掌其事乾隆戊戌年諭復睿親王多爾袞等封號追諡襲封配享 太廟王寅九月諭將宗室王公子弟均照蒙古王公台吉塔布囊等子嗣之例恩給官頂其餘閒散一槩給予四品頂戴並於今歲新正賜宴乾清宮 錫賚有差展親睦族以昭渥典

肆筵具邇邁姬章

綸言直下中書省阿柄寧移政事堂

內閣職司票本大學士以下有學士侍讀學士侍讀

典籍中書等官自明太祖罷丞相以大學士專司票擬不過如知制誥之翰林其後職任漸崇閣權遂重伏讀聖諭事權輕重原視乎人主之委任而不繫乎官職之崇卑我朝乾綱獨攬宮府肅清閣臣惟知恪奉官常成柄不移洵從古 六典總持歸簡要 臣阿三銓成法協平康 尚書侍郎以下有郎中員外郎主事筆帖式司務等官吏部主銓敘升降凡職官有缺依例銓選俟引 見欽定其大缺開列請 旨盡除明代廷推之弊至內 度支計外各官議處降革均按例 題奏請 旨遵行

職官表卷首

御製詩

廣雅書局

裕用恆節蠲賑

恩頻富倍藏

戶部平準出納以均邦賦出入有經我朝宮府歲支樽節帑藏充盈乾隆初年部庫存銀三千萬

兩今且幾八千萬兩並無加增賦稅且蒙恩普免天下地丁錢糧三次蠲免漕糧二次其餘賑貸不下萬萬而

國用饒裕實府庫籍收山積廣臣三泉源義取水流長

史冊所未觀云國朝皆專派親信大臣掌之寶泉寶

三庫主財用出入國朝皆專派親信大臣掌之寶泉寶

源二錢局主鼓鑄戶工二部右侍郎掌之其三庫司官及

錢局監督由各衙門保送簡用時哉損益

引見恭候

皇為極懋爾寅清

國有慶

禮部掌五禮凡祭祀燕饗朝會諸大典皆掌之本朝制度修明視漢唐為詳備其職尤重國家慶典

頻蕃隆儀備舉無一不仰稟睿裁準

今酌古繁簡得中洵足昭

拊樂部即周官大司樂之職我皇上審音合律訂正樂章更製鐘特磬釐定樂舞之製悉歸雅正臣稽

占風象譯會梯航會同四譯館乾隆年間改隸禮部以司員攝鴻臚少卿領其事蓋如周官

象胥掌客之職中樞莫贊

星鈴密右選欣增歲祿穰

明代以兵部為中樞機宜進退悉以委之軍事多掣肘我朝命將征行皆

仰稟睿畧兵部惟掌兵數及武選之事恩旨添給武職養廉

濯良由措置得宜也邇年復奉

將原扣名糧改補實缺各省共添兵六

萬六千餘名基布星羅營制益昭整肅

刑部綜司邦禁內外問刑衙門一切斷皆核覆

務期平允秋獻大典集九卿會議屆期復集大學士廷臣

會同刑部面承旨訓詳審再三寬嚴協中其緩使人

犯間三四年復蒙恩命減等發落矜恤之心好

生之軼前古臣福隆安

御製好生大德體

穹蒼共工熙績一人足掌土居民九牧倡

今之工部掌營造修防兼有前代都水監

將作大匠之二職至內外緊要工程如壇廟城垣等

工百務具舉均派親信大臣督辦物給價工給直並無絲毫派

累且窮民得以工代典屬今繁蘇武職

賑無不踴躍子來

理藩全統衛拉

平聲疆我

歲時朝覲內入宿衛扈從行圍與內地臣僕無異是理藩院職任雖亦如周禮之大小行人漢之典屬國而內外聯屬統馭之制遠勝前代所設

剔除稅政清烏府

採聽芻言簡阜囊

紀為職我

朝庶政肅清凡言官奏事糾彈片言可採者無不立予准行科道等亦不

侍署

六科給侍中本古門下省官明代自為一署

臣和坤警

巡分隸太平坊

五城御史如漢之長安雜陽部尉也

封投閣

祕懲關白緘進郵造核貼黃

通政使司掌進各省

題本

平庶獄

貴臣永

品儕九寺肅羣綱

祠官董領歸宗伯殷禮精虔

飭奉常

太常寺掌典守

壇壝

廟

社以歲

滿尚書領之如周官宗伯典禮之制我

廟大典躬親將事備極誠敬凡

駁奔執事無不仰瞻

廟壝

臣梁

國治地嚴

弓劍備丞郎

各壇

陵寢

廟設尉及祠祭署奉祀祀丞

鸞藻吉士英培翽鳳岡

翰林院典

國史圖籍制誥文章自古

稱為清華選我

諸員以虔奉明禋恪供灑掃

詞曹華選颺

皇上親幸翰林院

恩加宴賚並增葺庶常館教養樂育

尤極儒臣榮遇至

經筵講官及每科教習庶吉士均

由翰林院奏

倬直螭坳垂筆橐

請

即日侍直以翰林官兼充

大典分

御製詩

御製詩章

御製詩

御製詩

御製詩

御製詩

御製詩

御製詩

御製詩

御製詩

御製詩

御製詩

御製詩

御製詩

廣雅書局

官以大學士以下館閣諸臣充之規制周詳名實益為相副居今亦備參入掌出列鑒古惟
 懷鄭重方詹事在歷代俱為官元史鄂勒哲署詹事長入參
 蓋自古書生拘迂之見動以建儲為國本其實皆自為日後身
 家之計無裨國是試觀漢唐建儲如漢武帝其儲之英明猶
 有戾太子及承乾之變觀其難勝以遍舉誠以立儲之後宵小乘
 間伺隙釀為亂階其弊有不可勝言者我國家皇祖時理密親王
 均未明言冊立而宮府肅清中外晏如國家皇祖時理密親王
 之事仰賴聖慮亦可知建儲之斷斷不可行也朕于此往
 復熟籌知之甚審我子孫當光祿減明十之九
 敬凜此訓奉為萬年法守也

大官視漢半而強明代各省額解光祿寺銀米甚多令中
 真偽嘉靖以後歲用逾四十萬廚役至四千餘名糜費無
 節諸弊叢生我朝自康熙年間定制錢糧皆歸戶部光
 祿以時支取歷加樽節今每歲祇支銀二萬兩月要其數
 以奏較之明代經費尚不及十分之一所設有卿少卿丞
 簿等官別以大臣領之非若漢時之光祿勳兼為宿衛之
 長以故官不冗而事易集品式有定出入有經信足永昭
 儉德

云 **牧坳秋獮驪黃比蹕路**

天行幄幔張

太僕寺掌張家口外左右翼牧場均齊賞罰之政
 乃諸牧場之一也凡扈從卿及少卿奏請一人
 隨蹕預備幔城網城
 駝載橐駝等一切事宜

帝澤巽申崇赤縣

臣曹秀先 **農祥吉亥捧青箱**順天府即歷代京尹
 兼管以重其職凡

耕藉率僚屬從耕襄事 **臚音傳陞鳴鞭應儐贊催班佩玉**

耕藉率僚屬從耕襄事 **臚音傳陞鳴鞭應儐贊催班佩玉**

耕藉率僚屬從耕襄事 **臚音傳陞鳴鞭應儐贊催班佩玉**

幸膠庠

國子監為成均重地屢蒙聖駕臨雍釋奠園橋觀
 聽者無不感激奮興所屬滿漢蒙古學算學各助教等
 官分掌教士優給膏火廩餼肄業

期滿分別錄用規制最為周備 **算精勾股弧三角術驗**

歐羅斗六匡欽天監兼有周太史馮相保章三職漢以來
 為太史令專主算術天文欽定儀象考成萬

西洋算法御製數理精蘊欽定儀象考成萬
 年書協紀辨方等書天體地理精蘊欽定儀象考成萬

法實可懸肘底須求大藥臣劉墉 **折肱應許遇長桑**周有醫
 垂永久

有太醫令太醫監分屬于少府太常今則自重臣參筦釐

為一署置院使院判率其屬以供醫事焉

供簿尚御鈎稽撤侍瑞周官玉府內府等職統之冢宰漢

服御諸物自宋以後其職漸移于奄宦至明而流弊益甚

諸政其總管無定員以王公及滿洲文武大臣為內府

之蓋即周官統于冢宰之意而規制尤為詳備云

姿逢伯樂臣王杰

御僕緣精義析蒙莊上駟院掌馬匹駝隻以供御用當即國語

唐之左右仗殿飛龍使及尚乘等官凡遇時巡于御馬內簡其

九良者以從又每歲秋獮行圍預於春月驅馬至喇喀河屯牧

養備用向曾有詩於卿郎職司調習御馬諸法臚舉詳上林兼

賅昨歲山莊有上駟詩辨及莊子僕緣詞義詳見按語

飭農蠶務內府分司苑囿場奉宸苑掌苑囿政職任亦如周官

合丞之類其所屬有稻田場溉水四千畦供上方玉粒凡京城

內外河道橋廂均由苑經理董率蓄洩又織染局供織絹匹所

司農蠶水利衣食之原非僅古之林丞比也 劫恣戎裝卿武備

御械衛龍驤武備院掌供 御用武備凡 御幄帳殿甲

考工諸 舳艫漕轉來通潞程結陳因實太倉倉場駐劄通

漕運輸納神倉實漢以來大司農之職 國家慎重天下

庾設滿漢侍郎總督其事承以坐糧廳監督等官歲派御

史巡查開復差大臣稽 五部分曹員略具臣謝 二京建尹

核諸務釐剔漕政肅清 秩相當盛京為陪都重地綜以五部侍郎董以京尹頗

掌于府丞視明代留京 官制尤為斟酌盡善 義符集賽排辰直轄總勾陳列曜

芒國初以八旗將士平定海內選備隨侍宿衛統以領

職最親近若周官之宮正宮伯漢光祿勳 立仗

領三署唐之十六衛元之四集賽諸職

瑤閭開誅蕩臣阿鳴

鑾葩瑤導飛翔鑾儀衛若周巾車大馭漢奉車都尉之職我

朝設滿漢鑾儀使冠軍使雲麾使治儀正整儀

御製詩 廣雅書局采

尉官統以掌衛事內專旗統率連參佐偏甲驍騰別正鑲

大臣一人職任尤重國家神武開基建旗辨色法良制善居則環衛周防出

則折衝禦侮每旗設都統一員副都統二員所屬有參領

佐領驍騎校等官我皇由磐石奠安臂指相使誠超越百代垂治萬年者矣

兩翼啟行先罕畢臣董前茅選勁耀戈鉞前鋒統領掌督

衛凡行幸則于御營外安設卡倫左右翼統領

各一人或以王大臣兼領蓋如前代衛尉御營使之職所

屬有參領侍衛校長等官以時訓練定其黜陟營制最為詳善

紫垣鈴柝周廬禁黃褶纛鞭宿禦防護軍統領掌督率護軍

前代衛尉之職每旗統領一人督率訓練以時考驗所屬

有參領護軍校等官凡行在宿衛扈蹕以參領

營總掌之專司網城堆鋪重鑰九門樞特縮步軍統領領提

頓營守衛諸政尤為肅整司隸校尉城門校尉執金吾

門禁巡捕郊畿蓋兼有前代司隸校尉城門校尉執金吾

之職國家整飭綱維委任九重惟親信重臣得蒙

簡授福長安臣

御製詩

七 廣雅書局

寄控制雄鷹節鉞光總督統轄文武其職如魏晉之大都

鎗從凡殺虎以首先刺虎人圍遇大獸則列開疇咨慎簡封圻

鎗于侍衛前導若行圍遇大獸則列開疇咨慎簡封圻

獵園三面詎披猖三旗虎鎗營總統一人總領六人每旗

衛之政令周圍駐劄守衛以時訓練然不派出隨園翊衛

兩金川屢經調派出征最為勇敢均著勞績及御苑八旗惟守

熟所無登練雲梯山號香健銳營習雲梯馬步射鳥鎗水戰駕

俾得專心講習其演放進步連環鎗法有童而習之者技藝精

御製五營萬旅備毋忘步軍向設巡捕三營上年增為五營添設

務筆帖式等官武職有八旗翼尉協尉城門領副尉步軍尉等

官五營各分設副將參將遊擊守備外委千把總各官並募民

充當番捕人役以伺察習勤火器河稱玉火器營掌教演火器

旗民法制益為周備習勤火器河稱玉火器營掌教演火器

隆三十八年移建西頂後之玉河岸邊別為一營以去城市遠

俾得專心講習其演放進步連環鎗法有童而習之者技藝精

熟所無登練雲梯山號香健銳營習雲梯馬步射鳥鎗水戰駕

代所無登練雲梯山號香健銳營習雲梯馬步射鳥鎗水戰駕

勝寺傍列營聚處隨時教演從前平定西陲及御苑八旗惟守

兩金川屢經調派出征最為勇敢均著勞績及御苑八旗惟守

衛之政令周圍駐劄守衛以時訓練然不派出隨園翊衛

獵園三面詎披猖三旗虎鎗營總統一人總領六人每旗

鎗于侍衛前導若行圍遇大獸則列開疇咨慎簡封圻

鎗從凡殺虎以首先刺虎人圍遇大獸則列開疇咨慎簡封圻

寄控制雄鷹節鉞光總督統轄文武其職如魏晉之大都

鎗從凡殺虎以首先刺虎人圍遇大獸則列開疇咨慎簡封圻

鎗于侍衛前導若行圍遇大獸則列開疇咨慎簡封圻

獵園三面詎披猖三旗虎鎗營總統一人總領六人每旗

衛之政令周圍駐劄守衛以時訓練然不派出隨園翊衛

獵園三面詎披猖三旗虎鎗營總統一人總領六人每旗

吏治督撫大吏簡用尤慎各省奏牘每至即蒙 批答
 並 廷寄諭旨隨時訓示伏讀 御製久任詩誠論諄
 詳蓋重其職任而 七省調供資發運 臣曹 五年輪免緩輸
 尤嚴其考核云 將漕運總督專司七省漕務所轄各省糧道及漕標將備
 衛所各官體制優隆不惟如前代水陸發運使之職我
 每截漕以濟他省並每歲分 命巡漕御史稽查催督
 漕務肅清經 插排濟充疏宣暢壩屹淮徐啟閉藏 河道總
 理實為盡善 而委任過之 皇上軫念河防凡五次 南巡閱視
 河務者每邀 恩破格簡署總督蓋重其選也 開府望
 聯卿士月 樞臣達 中丞銜帶內臺霜 巡撫總理通省文武刑
 唐高宗特遣大臣分道巡撫蓋即古監長連帥之任我
 朝委任特隆例加兵部侍郎及右副都御史銜職任與總
 督相 承宣

德意風行草屏翰方隅蔭在棠

布政使掌各直省財賦出納其
職與宋諸道轉運使提舉司為

近凡屬員陞調 題補皆掌之有事例得專摺 律準平反

親蒞屋 載 泉陳欽慎達巖廊 按察使為刑名總匯宋之

劾革審皆掌之其職級次 會垣駐為監司重列郡巡看直

指襄 糧儲鹽法兵備河庫茶馬屯田及守巡道各司其職

具摺奏事藉以觀其才識亦重其倚任也 守出一麾稱自

宋 知府督率所屬課農桑勵風俗平獄訟各有同知通判

書知府以上名于 御屏凡知府初膺 簡任即蒙 特命

其選 召對 訓誨周詳蓋知府親臨屬縣賢否易知故重

莊存與 臣

御制治獨奏溯諸唐 直隸州之職略如知府每于州縣中記名

不隸于府猶 州云牧以幅員廣縣曰合同師率覆 治其土田戶

口賦稅詞訟佐以丞簿等官國家首重親民牧令凡知州知縣各

由部選者均帶領引見職任繁簡量缺酌調其由大計卓異及

職官長卷首

御製詩

廣雅書局

稍有勞績奉旨引見者每子記名擢用具出眾著者每蒙恩破格超擢亦任官惟材之意佐貳孰無長民責各省司府首領等官各司職業分任差委其才

雜流亦取眾才量州縣雜職有吏目典史驛丞巡檢等官外又有隔官倉庫稅課大使或司一事

或任差委他若各府州縣僧錄道錄等司及陰陽官醫官等亦掄選割充俾各率其徒以備一職

水

畱都壯幽邑豐原

寶運昌

盛京自順治初即以內大臣為總管統轄兩翼官兵後吉林黑龍江各置將軍與副都統等分地鎮守陪京重寄屏翰攸隆非親信大臣莫克膺斯任也江左專轅及閩粵臣紀荆南巨閫

速秦涼江寧福州廣州荆州西安寧夏各設駐防將軍一員副都統一員所屬有協領參領城守尉防守尉防禦等官統率軍臺控馭柔藩部佛藏綏懷護法王

滿兵各資保障家威德遠被遐荒絕微咸置官鎮守如喀爾喀軍營烏里雅蘇臺庫倫西寧等處設定邊左副將軍參贊大臣駐劄

大臣等員董其事西藏亦命大臣二萬里胥環戶闔

駐守用以控馭撫綏示無外之威軌皇上聖武遠揚平定西域

廷與十千耦遍闢亭障我拓地二萬餘里其準回二部各設

官置吏自伊犁將軍烏魯木齊都統以下或以大臣或侍衛官員輪番蒞治視漢之都護校尉規模益宏遠矣腹

邊掄將聲聯絡水陸蒐兵陣頡頏提督總統綠旗明號令閱軍實以整飭營伍其

山東山西河南江西總鎮指麾趨列弁臣金協戎訓練勵

等省以巡撫兼之屬同裳總兵統轄鎮標有專閫之寄副將分統協標威率其

旨簡放以遞分勇爵援枹振並奮偏裨拔戟趨參將遊擊

重職守千總把總各按營汛分防水陸互應形勢相資視前代規

制更為周密都司守備以上由督撫預保註冊兵部照例擬陞其參遊等官多蒙記藻泮義阿

名簡用慎重營伍立法詳善也

文治盛

臣陸費墀

御製松州榆塞教思彰

學政掌各省學校之政率教授學正教諭訓導等官訓迪諸生即元提舉學校之職

歲宮表卷首

御製詩

廣雅書局

國初設立各省學道雍正年間改為京差通年于鎮西府承
德府各建考棚設學額鄉試另編字號取中以彰文教之盛
稱煮海佐國計應念朕膏致政傷鹽政印巡鹽御史浙江山西

長蘆兩淮多以內務府司員選充所屬有司庫庫使筆帖式等
屬有鹽運使運同運判大使之屬所屬有司庫庫使筆帖式等
官織造各一人以內務府司員選用所屬有司庫庫使筆帖式等

織文異昔貢維揚三處織造供尚衣御用及賞資綺帑
辦貨通山澤兼防冗稅薄關津總惠商輕減多交將軍督
撫委大員監收其張家口等處用各部保送司員龍江滸
野南北新關交織造兼管准關粵海關

洗前明閩寺十四等封繁
玉牒 臣陸錫熊二旬歲襲普銀潢凡宗室封爵和碩親王世子多羅
國公輔國公不入八分鎮國公不入八分輔國公鎮國將

軍輔國將軍奉國將軍奉恩將軍共十四等其子俱以次
降襲惟功封親王郡王之子仍其父爵又親王至將軍除
承襲父爵外其餘應授封者俟年及二十試馬步射分別

給子封爵 恩意備極周詳 前勳世賞延殊渥後嗣家傳保合璧
男輕車都尉俱分三等及騎都尉雲騎尉承襲次數均有
差其授爵在順治九年 恩詔前及承恩公均世襲

罔替又 一等男以上亦世襲罔替其因陣亡授爵襲次已完者復
蒙 皇恩特仍令世襲 八命上公承禮器 承寬五經
恩騎尉洵極酬庸 渥典 八命上公承禮器 承寬五經

博士奉蕭薌 奠臨雍展謁 闕里禮意有加定制 皇上釋
師孔子後裔衍聖公外有博士學正學錄共二人孔顏曾
孟四氏有教授學錄各一人周公以下後裔授博士者二

品四十一人又孔廟執事官三品至九
寵加保傅寧輕授力効涓埃愧久敷 保傅加銜前代為公孤之
職 本朝慎重名器不以

輕授至宮銜之設以昭 優眷惟一二品大臣欽奉
特恩者得邀殊榮其敷歷中外宣力勤勞者身後亦多
蒙 加賞

鴻誥叨榮階秩秩 鳳三 臣童

職官表卷首

御製詩

廣雅書局

龍章錫類語煌煌

文職自光祿大夫至登仕佐郎凡十八階武職自榮祿大夫至奮武郎凡十三階皆

誥勅所授即唐宋之文武散官而立制更為明備恭遇國家慶典錫類推恩其曾祖父母以下皆視本任階銜封

制詞皆掌于內閣

訓勒嚴閣禁金鏡明操戒竈場

周官以閭人寺人內豎屬之冢宰聖人立制用意深遠自漢置

中常侍唐置內寺省厚加爵祿馴致亂階明代設立司禮

太監假以秉筆之權太阿倒授凌轅政府若王振汪直曹

吉祥劉瑾魏忠賢輩流弊接踵遂以亡明我

章皇帝定鼎以來力懲前鑒于順治十二年

鐵牌嚴切勅諭裁定內監員數但有犯法干政竊權納賄

囑託內外衙門交結滿漢官員越分奏事及言官員賢否

者立賞重典伏讀

總管首領諸職賞給頂戴不過至四品而止但執門禁酒

掃之役而皆統于內務府與周官之法實相脗合

累朝奉守禁制恭嚴我

皇祇奉

垂訓洵足昭

御製全韻詩內諄諄

萬年家法也

長史徵名循謹從

王

製具寮執事效趨蹌

親郡王以下置長史散騎郎護衛典儀等官有差蓋即前代所稱國官也舊新

札薩官魚貫內外回番職雁行

蒙古部落內屬者設官每旗札薩克一人以汗王貝勒貝子公

台吉等為之所屬都統副都統參領佐領驍騎校等官回部久

經內屬者一如蒙古設札薩克其餘各回城皆設伯克其秩以

三品至七品為差皆即以其部人為之至直省土官文則有土

通判知州知縣州判巡檢知事等官武則有指揮使宣慰使安

撫使宣撫使土守備千戶百戶千總把總等官並許其承襲罔

不震警奉化恪守約束近年平定兩川命將軍攜帶各土司

分年入覲與朝正外藩及年班回部等同

與朝賀宴賚俾見我國家中外一家云

撫此羣臣贊子治一

心惟勵敬無違

職官表古無成編茲因辦理四庫全書俾館臣

千餘年因治改革一覽瞭然內外大小臣工思日贊襄子治其

共凜然于天祿天職之艱庶幾靖共爾位無負敬事後食之誼



欽定歷代職官表卷一

宗人府表

宗	令	左	右	宗
三	代			<small>小宗但宗正所掌</small>
漢	漢			<small>宗伯</small>
後	漢			<small>宗正卿</small>
三	國			<small>宗正卿</small>
晉	晉			<small>宗正卿 宗正卿 宗正卿 宗正卿 宗正卿</small>
宋	魏			<small>宗正卿 宗正卿 宗正卿 宗正卿 宗正卿</small>
齊	魏			<small>宗正卿 宗正卿 宗正卿 宗正卿 宗正卿</small>
後	齊			<small>宗正卿 宗正卿 宗正卿 宗正卿 宗正卿</small>
隋	隋			<small>大夫 宗正卿 宗正卿 宗正卿 宗正卿</small>
唐	唐			<small>卿 宗正寺 宗正寺 宗正寺 宗正寺</small>
宋	宋			<small>宗正寺 宗正寺 宗正寺 宗正寺 宗正寺</small>
遼	遼			<small>宗正寺 宗正寺 宗正寺 宗正寺 宗正寺</small>
金	金			<small>宗正寺 宗正寺 宗正寺 宗正寺 宗正寺</small>
元	元			<small>宗正寺 宗正寺 宗正寺 宗正寺 宗正寺</small>
明	明			<small>宗人令</small>
				<small>左右宗正</small>

職官表卷一 宗人府表

廣雅書局印

宗人府

國朝官制

宗令一人左右宗正各一人左右宗人各一人

並順治九年置掌

皇族之屬籍以時修輯

玉牒辨昭穆序爵祿均其惠養而布之教令凡親疏之屬胥受治

焉初制宗令以親王郡王統理宗正以貝勒貝子兼攝宗

人以鎮國輔國公及將軍兼攝後擇賢任使不復以封爵

為限

府丞漢人一人

正三品

順治九年置掌校理漢文冊籍初制有覺羅啟心郎二員

漢軍啟心郎二員與府丞均為正官康熙十二年裁啟心郎惟設府丞一員

左右司理事官宗室各二人初制三品後改為四品康熙二十二年定為正五品

副理事官宗室各二人初制從四品康熙二十二年定為從五品

分掌左右翼覺羅之籍並書其子女適庶生卒婚嫁官爵名諡以備

玉牒紀載凡承襲次序秩俸等差及養給貧幼優恤婚喪之事時

為稽核綜理焉初設郎中六員員外郎四員主事四員康熙十二年始分隸左右兩司三十八年兩司各裁郎中一員雍正二年改郎中為理事官改員外郎為副理事官惟主事仍舊名初制皆以覺羅為之後以覺羅滿洲參用雍正

正二年定以宗室滿洲參用乾隆二十九年准府丞儲麟趾奏定理事官以下筆帖式以上悉以宗室為之

經歷宗室二人正六品

順治九年置掌出納文書初制經歷三員其二員參用宗室滿洲一員用漢人康熙三十八年裁漢經歷一員乾隆二十九年定制以宗室為之

堂主事宗室二人初制四品康熙九年定為正六品漢人二人正六品

堂主事順治九年置二人掌奏疏稿案初制以宗室滿洲參用乾隆二十九年定制以宗室為之漢人主事雍正元年增置掌漢文冊籍

筆帖式宗室二十四人並支七品俸

職官表卷一 宗人府

廣雅書局採

順治九年置掌繙譯文書初制以宗室滿洲參用乾隆二十九年定制以宗室爲之

歷代建置

三代

周禮春官小宗伯掌三族之別以辨親疏其正室皆謂之

門子掌其政令

鄭康成注三族謂父子孫人屬之正記曰親親以三爲五以五爲九正室適子將代父當門者也政令謂役守之事

謹案漢書百官表宗正注應劭曰周成王時彤伯入爲宗正師古注云彤伯爲宗伯不謂之宗正但考初學記玉海引宋百官春秋曰周受命封建宗盟始選其宗室之長而董正之謂之宗正成王時彤伯入爲宗正掌王

親屬是也據此諸書皆以爲周有宗正師古雖謂彤伯不爲宗正而未嘗謂周無宗正也玉海引逸周書嘗麥篇太祝以王命作筴筴告宗正則周有宗正其證又在漢百官表注及宋百官春秋之前惟不見經典正文故不列於表至周禮小宗伯掌三族之別實與今宗正職掌相符故玉海於宗正一官引此爲證考魏風殊異乎公族鄭箋云公族主君同姓昭穆又考魯語曰宗室之謀不過宗人韋昭注謂此宗人則上宗官也亦用同姓若漢宗正用諸劉矣夫侯國尙有公族之官況天子乎王應麟謂燕義周天子有庶子官卽今之宗正惠士奇謂周禮諸子卽春秋之公族大夫然儀禮燕禮注云庶

子世子之官而夏官諸子掌國子之倅亦不專掌公族
之子弟與今宗正職未爲盡合今姑取小宗伯所掌列
之於表而玉海所引嘗麥篇宗正之名亦附著於此焉

秦

杜佑通典秦置宗正掌親屬

王應麟玉海秦始以宗正列九卿掌親屬而宗廟之事屬
之奉常

漢

漢書百官公卿表宗正秦官掌親屬有丞平帝元始四年

更名宗伯屬官有都司空令丞

如淳曰律司空主水及罪人

內官長丞

又諸公主家令門尉皆屬焉王莽并其官於秩宗初內官

屬少府中屬主爵後屬宗正

謹案都司空令丞如淳註稱主罪人蓋治獄之官今宗

室覺羅有犯雖宗人府主其罰然無專官故都司空等

不列於表至內官長丞兼治掖庭公主家令門尉兼治

臧里皆以事相關涉故使兼隸非宗正所屬之正官故

亦不列於表又通典載元始元年於郡國置宗師以糾

皇室親族世氏致教訓焉選有德義者爲之有冤失職

者宗師得因郵亭上書宗伯請以聞

注曰爲書付郵亭令送至宗伯

其時諸王各就國故各設官以統之其制亦今之所無

謹附載其名於此

漢書高帝紀七年置宗正官以序九族

荀悅漢紀宗正掌視親屬官

唐六典漢宗正之官不以他族楚元王子郢客辟疆德等遞爲之

古今攷東萊大事紀高帝七年書置宗正官以序九族高帝表無其人高帝紀七年二月書自櫟陽徙都長安置宗正官以敘九族表高后二年始見除劉郢客當是史失初姓

謹案高帝七年雖置宗正而未命其人故表不載表既詳於高后二年安得於高帝七年遂失姓名乎

玉海高后二年上邳侯郢客景元二年平陸侯禮三年德侯通元狩四年沈猷侯受爲宗正坐聽請不具宗室論始

元二年光祿大夫辟疆元鳳元年大中大夫德初元元年諫大夫更生竟寧元年陽城侯慶忌元始元年宗正容更爲宗伯永平三年劉平建初二年般永元十三年愷爲宗正建初中劉軼爲宗正遂世掌焉矩寵佑

謹案玉海此條蓋統括百官表而間有脫遺如百官表載元朔四年劉棗元鼎四年劉安國五鳳二年劉丁承光四年劉臨始元三年劉通河平三年劉順陽朔元年劉武成鴻嘉元年劉慶忌永始三年劉它人建平四年劉容皆表具而玉海失載者也

玉海周諸子掌戒令教法至于辨世繫辨昭穆則掌之小史漢宗正徒掌屬籍而教養之法未聞

謹案玉海謂漢宗正徒掌屬籍而教養之法未聞然攷揚雄宗正箴曰巍巍帝堯欽親九族禮有攸訓屬有攸籍既云禮有攸訓則兼教養之法矣後漢書劉般為宗正在位數言政事其收恤九族行義尤著收恤九族即宗正之教養也前漢紀公卿議遣宗正治衡山玉又遣宗正問江都王則宗正所綜理者多矣王應麟謂漢宗正即周之諸子諸子既為政于公族宗正安得不掌教養之政乎如以為徒掌屬籍則非也

唐六典光武復置宗正

後漢書百官志宗正卿一人中二千石掌序錄王國嫡庶之次及諸宗室親屬遠近郡國歲因計上宗室名籍若有

犯法當髡以上先上諸宗正宗正以聞乃報決胡廣曰人

王世譜差序秩第漢官儀曰官吏四十一人其六人四科一人二百石四人百石三人佐六人騎吏二人法家十八人學事一人丞一人比千石諸公主每主家令一人六百石

人官醫丞一人三百石其餘屬吏增減無常漢書曰主簿一人秩六百石私府長一人秩六百石家丞一人秩六百石僕一人秩六

人從官一人東觀書曰其主薨無子置傅一人守其家中

興省都司空令丞

通典宗正兩漢皆以皇族為之不以他族

謝維新合璧事類通鑑分紀曰漢宗正丞用皇族

魏

三國魏志建安二十一年始置宗正之官

唐六典宗正卿魏亦以宗室居之

晉

徐堅初學記晉曰大宗正

晉書職官志宗正統皇族宗人譜牒又統太醫令史又有司牧掾員及渡江哀帝省并太常太醫以給門下省

謹案太醫司牧蓋皆所兼隸之雜流今各有所隸故不列於表

通典晉兼以庶姓

山公啟事曰羊祜忠篤寬厚然不咸寧長理劇宗正卿缺不審可轉作否

三年又置宗師以扶風王亮為之使皇室戚屬奉率德義所有施行必令誥之

謹案宗師之名同於漢制而職位尊卑則迥殊晉書百官志不載但考晉書扶風王亮為宗師梁王彤亦為宗

師彭城王領太宗師晉之為宗師者不一其人則有經制之額可知通典明云咸寧三年置宗師玉海謂東晉始省而百官志不載亦史氏之闕也

宋齊梁陳

唐六典宋齊並不置梁天監七年乃置焉宗正春卿位視列曹尚書皆以宗室為之班第十二陳因之

隋書百官志梁置宗正卿位視列曹尚書主皇室外戚之籍以宗室為之

初學記梁加卿字除大字曰宗正卿

謹案隸續載漢中山相薛君成平侯劉君斷碑有云巴郡太守宗正卿

下闕釋云百官志太傅上公一人太尉公

一人太常卿一人蓋史氏用周官之法紀傳所書居三紀之官皆不書以公卿字惟孔廟碑稱吳雄爲司徒公趙戒爲司空公衡方碑題云衛尉卿與此碑所題宗正卿乃遣詞揮翰者益之後世以卿名其官則自蕭梁始今考初學記引五代史百官志云至梁加卿字除大字曰宗正卿與洪氏之說可以相證

北魏

北魏書官氏志有宗正太和中初置少卿

洛陽伽藍記國子南有宗正寺

唐六典後魏亦曰宗正卿

通典後魏有宗正卿少卿

太平御覽後魏職令曰宗正卿第四品上第三

北齊

隋書百官志後齊有大宗正寺掌宗室屬籍統皇子王國

諸王國諸長公主家

後周

通典後周有宗師中大夫

掌皇族定世系辨昭穆訓以孝悌

屬大冢宰

隋

隋書百官志隋置宗正卿少卿各一人丞二人主簿二人

錄事二人

初學記北齊又加大字隋又除之

唐

舊唐書職官志宗正寺卿一員從三品上少卿二員從四品上丞二人從六品上主簿一人從七品上錄事一人從九品上府五人史九人亭長四人掌固四人卿之職掌九族六親之屬籍以別昭穆之序并領崇元署少卿爲之貳九廟之子孫繼統爲宗餘曰族凡大祭祀及冊命朝會之禮皇親諸親應陪位預會者則爲之簿書以申司封若皇親爲三公子孫應襲封者亦如之丞掌判寺事主簿掌印勾檢稽失錄事掌受事發辰

新唐書百官志宗正寺卿一人少卿二人丞二人掌天子族親屬籍以別昭穆領陵臺崇元二署凡親有五等先定於司封主簿二人知圖譜官二人修玉牒官一人知宗子

表疏官一人錄事一人

謹案宗正卿所屬新舊唐書所載微有不同志不詳建置年月其孰爲舊制孰爲改制已不可知今並存以資考核又新唐志稱宗正寺領陵臺崇元二署其陵臺署諸陵臺令各一人丞各一人建初啟運興寧永康陵令各一人丞各一人掌守衛山陵諸太子廟令各一人丞各一人錄事各一人掌灑掃開閣之節四時享祭事諸太子陵令各一人丞各一人錄事各一人舊唐志不載蓋後又改隸今其職並隸禮部太常寺故不列於宗人府建置之中其崇元署令一人丞一人府二人史三人典事六人掌固二人掌京都諸觀名數與道士帳籍齋

醮之事新羅日本僧入朝學問九年不還者編諸籍道士女冠僧尼見天子必拜每三歲州縣爲籍一以畱縣一以畱州僧尼一以上祠部道士女冠一以上宗正一以上司封其制尤爲謬戾馬端臨文獻通考曰崇元署一官唐創之以司道教而必屬之宗正司者蓋唐以老氏爲始祖則崇其教者亦以爲尊祖宗之事也云云今考唐景龍三年法琬法師碑稱法琬爲中宗之三從姑開元十七年興唐寺主居法澄塔銘稱彭王嗣曠女密多羅案密多羅原石刻誤作彌多羅今改正出家爲法澄弟子資治通鑑稱景雲元年十二月上以二女西城隆昌二公主爲女冠以資天皇后之福其他見於史傳者不一則崇元

署所謂掌諸觀名數者當卽指入道爲尼之宗屬因而連及所統寺觀之道士因而連及於天下道士亦隸宗正寺耳此一時之牴政前無師承後無沿襲殊非官制之正今削之不錄而附載其名於此焉

唐六典宗正卿掌皇九族六族之屬籍以別昭穆之序紀親疏之列并領崇元署少卿爲之貳

謹案唐會要永徽二年九月二十一日問宗正卿李博又曰諸親有除屬者曰屬疏故除總三百餘人上曰服屬雖疏理不可降宜依舊編入屬籍天寶元年七月二十三日詔涼武昭王四公子孫並編入屬籍唐會要此條可爲宗正屬籍規式惟是李勣賜姓亦附宗正屬籍

則唐宗正所掌遂及異姓未足爲法也

太平御覽唐書官品志曰

案太平御覽所引唐書官品志甚多與新書百官志互異乃別

書宗正卿位視列曹尙書以宗室爲之

合璧事類職林曰開元三十五年制宗正寺官屬皆以皇族爲之

謹案職林又載唐武德置宗師龍朔改曰司宗光宅爲司屬後復故掌皇族外戚簿籍及邑司名帳領諸陵太廟其名沿漢宗師之舊而職掌又異今無此官故不列於表

五季

舊五代史梁有宗正卿

孫逢吉職官分紀後唐同光元年置宗正大卿

五代會要周顯德五年閏七月宗正寺准奉勅節文刪集現行公事送中書門下

謹案王溥此文知周亦名宗正寺然所列現行公事稱見管齋郎室長逐季候大饗捧饌行禮及出給每年行事歷子見管禮料庫收貯諸司納到諸壇廟祠祭禮料逐月給付逐季太廟并別廟祠祭祝版當寺於少府監諸領送祕書省書寫畢卻將應奉祠祭候年滿則將齋郎堂室長於每年八月印發文字解送赴南曹云云蓋其時兼領祭祀也

宋

宋史職官志宗正寺卿丞主簿各一人卿掌敘宗派屬籍以別昭穆而定其親疏少卿爲之貳丞參領之宋初舊制置判寺事二人以宗姓兩制以上充闕則以宗姓朝官以上知丞事掌奉諸廟諸陵薦享之事司皇族之籍主簿一員以京官充元豐官制行詔宗正長貳不專用國姓蓋自有大宗正司以統皇族也渡江後卿不常置少卿一人以太常兼紹興三年復置少卿一人五年復置丞十年置主簿嘉定九年詔以宗學改隸宗正司自此寺官又與校試之事大宗正司景祐三年始置司以皇兄寧江軍節度使濮王知大宗正司事皇姪彰化軍節度使觀察雷後守節同知大宗正事元豐正名仍置知及同知官各一人

選宗室團練觀察使以上有德望者充丞二人以文臣京朝官以上充掌糾合族藩而訓之以德行道藝受其詞訟而糾正其愆違有罪則先劾以聞法例不能決者同上殿取裁歲錄存亡之數報宗正寺凡宗室服屬遠近之數及其賞罰規式皆總之官屬有記室一人掌牋奏講書教授十有二人分位講授兼領小學之事舊例擇宗室賢者爲知大宗正事次一人爲同知其後位高屬尊者爲判熙寧三年始以異姓朝臣二員知丞事置局爲睦親廣賢宅崇寧三年置南外宗正司於南京西外宗正司於西京各置敦宗院仍詔各擇宗室之賢者一人爲知宗掌外居宗室詔復定宗學博士正錄員數玉牒所淳化六年始設局置

官詔以皇宋玉牒爲名建玉牒殿以知制誥劉筠夏竦爲修玉牒官自後置一員或二員元豐官制行分隸宗正寺官寺丞王鞏奏玉牒十年一進並以學士典領南渡後紹興十二年始建玉牒所提舉一人或二人以宰相執政爲之以侍從官一人兼修宗正卿少而下同修纂

李心傳建炎以來朝野雜記知大宗正事仁宗始置用太祖太宗之後屬近行尊者各一人

職官分紀玉牒所熙寧三年於三班院置局後徙編修院謹案宋制掌皇族之政者有宗正寺有大宗正司有宗學有玉牒所有外宗正司宗正寺掌別屬籍之親疏大宗正司掌訓導宗子而司其賞罰觀其歲錄存亡之數

報宗正寺則截然分掌可知今制併而一之故表中二職並列其宗學之制與今略同然今制稽察宗學爲王公大臣所兼攝其教習亦不載於官制故不列於表至玉牒所古有常職今則十年恭修一次其總裁纂修諸官由他職兼領事竣則撤其館法例迥異故亦不列於表若其外宗正司則與漢時宗師之制同故併不錄焉陸游老學庵筆記宗正卿少卿祖宗因唐故事必以國姓爲之然不必宗室也元豐中始兼用庶姓而知大宗正事始於濮安懿王始權任甚重後頗鑄損云

葉夢得石林燕語唐宗正卿皆以皇族爲之本朝踵唐故事而止命同姓慶厓初始置大宗正司以北海郡王允弼

職官表卷一
耶官表卷一
為知大宗正事其後相承皆以宗室領治平元年英宗以宗數倍多於前乃命增置同知大宗正司一員亦以懷州團練使宗惠為之迄今以為故事熙寧三年復置丞二員以命外官

玉海開寶六年正月以千牛衛將軍趙崇濟為宗正寺少卿景德二年命趙湘趙稹同判宗正寺祥符九年趙安仁兼卿世長知寺事二月王旦請命丞郎以上兼卿給舍以下兼少卿郎中以上兼丞京官兼主簿以為永制天禧元年趙鼎為主簿慶曆四年七月辛巳趙槩判宗正寺元豐六年九月十一日詔除長貳外自今不專用國姓志大宗正司統皇族故寺長貳不專以國姓分案二設吏六建炎三年四月省以常紹興二年

十二月復置少卿四年以命范冲景祐三年丙子七月十九日乙未初置大宗正司以靈江節度濮王知大宗正事彰化軍留後守節同知大宗正事時諸王子孫眾多聚居大第故於祖宗後各擇一人使司訓導糾違失凡宗族政令皆掌之奏事毋得先達先委詳酌而後聞八月庚戌知大宗正事請宗室每朝罷各就聽讀從之寶元二年七月二十一日允弼同知大宗正事至和二年六月戊子朔增允良同知未幾罷九月以知大宗正濮王為判同知允弼為同判治平元年六月丁未十三日增置同知大宗正事一員以宗惠為之熙寧三年二月丙寅詔大宗正司置丞二人以張稚圭李德芻為之上曰或言丞不用庶姓王安

石錄春秋公族大夫等事以進元豐之制以宗室團練以

志元豐五

上有德望者為長而一人貳之若位高屬尊則為判

年二月十五日宗惠封江夏郡王知大宗正

徽宗時仲忽判大宗正嘉定以嗣

秀王兼總大宗正

謹案玉海此條可與宋職官志詳略互證考石林燕語

謂慶厯初始置大宗正司玉海謂景祐三年七月十九

日乙未初置大宗正司確有月日可證石林燕語之誤

遼

契丹國志特哩衮原本作惕隱今改正宗正寺也

遼史百官志大特哩衮司太祖置掌皇族之政教興宗重

熙二十二年耶律義先拜特哩衮戒族人曰國家三父房

最屬貴族凡天下風化之所自出不孝不義雖小不可為

其妻晉國長公主之女每見中表必具禮服義先以身率

先國俗化之遼國設官之實於此可見太祖有國首設此

官其後百官擇人必先宗姓特哩衮亦曰德爾吉原本作梯里已

今改知特哩衮司事特哩衮司事南面官宗正寺職在大

特哩衮司

金

金史百官志大宗正府泰和六年避睿宗諱改為大睦親

府判大宗正事一員從一品皇族中屬親者充掌敦睦糾

率宗屬欽奉王命泰和六年改為大睦親事同判大宗正

事一員從二品泰和六年改爲同判大睦親事同簽大宗
正一員正三品以宗室充大定元年置泰和六年改爲同簽大
睦親事大宗正丞二員從四品一員於宗室中選能幹者
充一員不限親疏分司上京長貳兼管治臨潢以東六司
屬泰和六年改爲大睦親丞知事一員從七品檢法從八
品諸宗室將軍正七品上京東烏塔原本作温二處皆有
之世宗時始命遷官其戶凡百二十明昌二年更名四司
屬設令丞承安二年以令隨朝司令正七品丞正八品中
都上京哲爾袞原本作扎里合右西南梅望寨扶餘原本
與今改正臨潢泰州金山等處置屬大宗正府
大金國志天會十三年大宗正府置判同簽書事

謹案金太宗正府史但載明昌六年之改名而未著置
於何年宇文懋昭大金國志書雖僞託然亦雜採諸家
記載而成必有所據觀其稱置判同簽書事在太宗十
三年乙卯是年熙宗卽位仍稱天會十三年則自金初有之矣故並存
其說以補史之闕焉

元

元史百官志太宗正府秩從一品國初未有官制首置斷
事官曰扎爾呼齊原本作扎魯忽赤今改正會決庶務凡諸王駙馬投
下蒙古色目人等應犯一切公事及漢人姦盜詐僞蠱毒
厭魅誘掠逃驅輕罪重囚及邊遠出征官吏每歲從駕分
司上都存畱住冬諸事悉掌之至元二年置十員三年置

八員九年降從一品銀印止理蒙古公事以諸王爲府長
餘悉御位下及諸王之有國者又有集賽原本作法
辭今改正人員
奉旨署事別無頒受宣命十四年置十四員十五年置十
三員二十一年置二十一員二十二年增至三十四員二
十八年增至四十六員大德四年省五員十一年省十一
員皇慶元年省二員以漢人刑名歸刑部泰定元年復命
兼理置扎爾呼齊四十二員令史改爲掾史致和元年以
上都大都所屬蒙古人并集賽軍站色目與漢人相犯者
歸宗正府處斷其餘路府州縣漢人蒙古色目詞訟悉歸
有司刑部掌管正官扎爾呼齊四十三員從一品郎中一
員從五品員外郎二員從六品都事二員從七品承發架

閣庫管勾一員從八品掾史十八蒙古筆且齊原本作必
閣赤今改

正十三人通事知印各三人宣使十人蒙古書寫一人典

吏三人庫子一人醫人一人司獄一人

謹案元大宗正府扎爾呼齊兼治一切刑政非掌皇族

之專官續文獻通考至元二十二年哈喇哈斯原作哈
喇哈孫

今改由掌宿衛拜大宗正用法平允時欲以江南獄隸

正宗正哈喇哈斯曰江南新附教令未孚且相去數千里
欲遙制其刑獄得無冤乎遂止則元初宗正寺且遙領
諸路刑獄矣蓋其時分農土統部帳者大抵皆皇族國
戚故獄訟案牘率關涉於宗正府而治其事者從一品
之大臣多至三四十人也迨後天下大定乃以內事還

之刑部外事還之路府州縣耳其官雖與宗正有殊其所職亦與宗正稍異然其名則沿宗正之舊故併列於表以存一代之制至四十二員秩皆從一品雜然治事勢必不行意其必區以長貳或分以曹司但史文簡略不可復詳以皆大宗正府之長故列表於宗令之下而附著其變例之由焉

明

明史職官志宗人府宗人令一人左右宗正各一人左右宗人各一人並正一品掌皇九族之屬籍以時修其玉牒書宗室子之適庶名封嗣襲生卒婚嫁諡葬之事凡宗室陳請為聞于上選材能錄罪過初洪武三年置大宗正院二十

二年改為宗人府並以親王領之

秦王棧為令晉王桐燕王棟為左右宗正周王

肅楚王楨為左右宗人

其後以勳戚大臣攝府事不備官而所領亦

盡移之禮部其屬經歷司經歷一人

正五品

典出納文移

謹案明史職官志尚載有南京宗人府經歷司經歷一員而無宗令等官考明會典永樂十八年改洪武中所置宗人府為南京宗人府不復降印惟改降經歷司印與南京各衙門行移蓋姑以備陪京之制與元之上京分司名為別署實即正員者迴殊故今削之不錄僅附存於此

欽定歷代職官表卷一

南海桂銘球初校
順德羅 榮覆校
番禺陶福祥再覆校

欽定歷代職官表卷二

內閣表

大	學	士	
相			三
相			秦
相國			漢
相國			後漢
相國			三國
相國			晉
相國			宋齊
相國			梁陳
相國			魏
相國			齊
相國			梁
相國			隋
相國			唐
相國			宋
相國			遼
相國			金
相國			元
相國			明

職官表卷二 內閣表

廣雅書局印

中書科書中

謹案內閣職司票擬其官勅自明初原不過如知制誥之翰林並非古宰相之職而由明以溯歷代其所謂秉鈞大臣者官號升降亦復代不相沿蓋嘗綜而論之自舜納大麓禹宅百揆見於尚書亦越成周有三公論道經邦之文尚無所謂相即說命左傳所載傳說爰立作相齊慶封為左相之類亦僅取其佐相之義而非實有是官號也自秦置丞相相國以助理萬幾漢代因之始

官書院
手管官

中書科
八

六一百六十四

稱為宰相之職迨東漢安帝時眾務悉由尚書魏文帝又置中書監令自是事歸臺閣歷南北兩朝皆以中書監侍中尚書令僕射諸官參掌機密並無常職其事雖宰相之事其官已非宰相之官矣唐則中書令侍中尚書令僅存虛名而以他官之同中書門下平章事者為丞弼之任宋以後或稱僕射或稱丞相而所謂丞相者或繫中書省或繫尚書省更革不一中間雖偶襲相名而要其實亦祇三省長官迥非秦漢之丞相可比特其職既綜理省務則六尚書悉為其統轄百司庶府之事皆當聽中書門下之裁使而後上聞故自唐以來僉王在位者猶得以竊政而蠹國也明初尚沿舊制置中書

左右丞相自胡惟庸謀逆事覺始革中書省歸其政於六部歷代所謂宰相之官由此遂廢不設雖嘗仿唐宋集賢資政之制置大學士亦僅備顧問並不與知國政至成祖肇置內閣始以翰林入直洊升大學士然秩止五品而已仁宣以後大學士往往晉階保傅品位尊崇閣權漸重用非其人間有倒持太阿授之柄者而核其司存所在不特非秦漢丞相之官亦并非漢唐以來三省之職任矣至漢制以御史大夫遞遷丞相故謂之副相實則專掌舉劾不司鈞軸宋代始置參知政事下宰相一等爲今協辦大學士權輿所自然宋之參政乃政府正員而今協辦職本尙書誠如

聖訓不過御史裏行學士裏行之類與宋制亦殊有差別總之鈞衡近地職參密勿其事權之屬與不屬原不係乎宰相之名而惟視乎人主之威柄以爲操縱伏讀

御製書程頤論經筵劄子後有云夫用宰相者非人君其誰爲之使爲人君者但深居高處自修其德惟以天下之治亂付之宰相已不過問幸而所用若韓范猶不免有上殿之相爭設不幸而所用若王呂天下豈有不亂者此不可也且使爲宰相者居然以天下之治亂爲己任而目無其君此尤大不可也大哉

王言垂訓深切蓋惟萬幾親理則雖丞相亦克效寅恭若魁柄下移則卽大學士亦可潛操威福歷朝置相互有重輕

其得失咸準諸此我

國家宮府肅清

乾綱獨攬負軼萬世班朝莅政無不欽承

宸斷凡備員綸閣者惟知恪奉官常董正鴻規永昭典則而追

尋往制端緒焚繁治忽所關鑒誠斯在謹先闡繹

聖訓撮敘大凡以明綱領至歷代沿革之由則仍詳考於各本

條下焉

內閣上

國朝官制

大學士滿洲漢人各二人

初定滿洲一品漢人二品順治十五年改俱為正二品雍正八年俱升為

正一品

大學士均由

特簡贊理機務表率百僚補授後請

旨兼殿閣及六部尚書銜殿閣名凡六曰

保和殿

文華殿

武英殿

體仁閣

文淵閣

東閣舊制殿名四閣名二乾隆十三年省中

國初置文館天聰十年改為內三院曰內國史院曰內祕書

院曰內弘文院各設大學士一人分其事為職掌內國史院掌記

注 詔令編纂史書及撰擬諸表章之屬內祕書院掌

撰外國往來書狀及 勅諭祭文之屬內弘文院掌注

釋歷代行事善惡勸講 御前侍講注 順治元年增設學

士二年定為正二品衙門以翰林院官分隸內三院稱內

翰林國史院內翰林祕書院內翰林弘文院增設侍讀學

士侍讀等官九年設典籍十五年改內三院為內閣其大

學士俱改內閣銜仍分設翰林院十六年裁學士侍讀等

官十八年復改內閣為內國史院內祕書院內弘文院裁

翰林院康熙九年仍改為內閣另設翰林院如舊制十年

仍補學士以下等官滿漢大學士順治元年設六員不備

官康熙間率用四員雍正年多用至六員乾隆十三年定

制滿漢各二員

尚書協辦大學士滿洲漢人各一人俱從尚書本

以六部尚書

簡充自雍正年以來初置與大學士同釐閣務

學士兼禮部侍郎銜滿洲六人漢人四人初定滿洲漢軍二品

年改俱為正五品尋以兼禮部侍郎銜

掌敷奏本章傳宣

綸綍初制置滿洲學士三員漢軍三員自順治元年以後增減

不一康熙九年定滿洲學士二員十年增四員又定漢軍
二員漢人二員十二年以漢軍併於漢缺共四員俱兼禮
部侍郎銜

侍讀學士滿洲四人蒙古二人漢人二人初制三品後改為從
五品雍正三年定為
從四
品

掌收發本章總稽繙譯順治二年置初兼太常寺卿銜後
停兼銜八年設滿洲侍讀學士三員漢軍侍讀學士三員
十八年增滿洲侍讀學士三員蒙古侍讀學士三員康熙
九年定制滿洲侍讀學士滿文二員漢文二員共四員蒙
古侍讀學士二員漢軍侍讀學士二員乾隆十四年改定
漢軍侍讀學士缺出以漢軍漢人通行銓補

侍讀滿洲十八人蒙古漢軍漢人各二人初制四品後
改為正六品

掌勘對本章檢校籤票順治二年置初兼太常寺少卿光
祿寺少卿銜尋停兼銜滿洲侍讀初設滿文五員滿漢文
六員共十一員康熙三十八年省滿文一員滿漢文二員
共八員旋復增二員為十員雍正四年置漢侍讀二員

典籍滿洲漢軍漢人各二人正七
品

掌收貯圖籍出納文移內閣為典掌絲綸之地自大學士
以下皆不置印惟典籍給印以鈐
往來
文牒順治九年置初各設三員康熙九年定各設二員俱
以中書舍人掌理

中書滿洲七十人蒙古十有六人漢軍八人漢人三十人貼寫
中書滿洲四十人蒙古六人從七
品

掌撰擬紀載繙譯繕書之事順治十六年置滿洲中書初設清文撰文二十員辦事二十員清漢文撰文十七員辦事十八員共七十五員康熙三十八年省清文撰文辦事各一員清漢文撰文一員辦事二員共七十員蒙古中書初設撰文九員辦事十員共十九員康熙三十八年省撰文一員辦事二員共十六員漢軍中書初設撰文五員辦事八員共十三員康熙三十八年省撰文一員辦事四員共八員漢人中書初設撰文六員辦事三十員共三十六員康熙三十八年省四員乾隆十三年又省二員共三十員

中書科中書舍人滿洲二人漢人四人

從七品

掌書

誥

勅初設滿洲中書舍人一員漢人中書舍人八員乾隆十三年省漢人中書舍人四員十四年增滿洲中書舍人一員

謹案內閣自侍讀學士以下辦理本章分爲五所曰滿本房專司繕寫清字校正清文曰漢本房專司繙譯清漢文曰蒙古本房專司繙譯外藩章奏及繕寫頒行西番屬國

詔勅曰滿票籤處曰漢票籤處專司繕寫清漢票籤記載

諭旨及撰文之事又有稽察房稽察各部院遲延事件月終彙奏大學士酌委侍讀學士侍讀中書兼司之又稽察欽

奉

上諭事件處雍正八年置以滿洲漢人大學士各部院堂官兼領其文移鈐以典籍印以上各處雖非設有專官而職守所存均關綸扉典則謹識於此

歷代建置上三代至後周

三代

晉書職官志成湯居亳初置二相以伊尹仲虺為之伊尹號為

阿衡仲虺臣名為湯左相

謹案管子稱黃帝得六相而天地治神明至謂蚩尤大常奢龍祝融大封后土也路史稱舜得十六相而天地治謂八元八凱也其說皆出自子家附會不足憑信今

並不取至成湯二相亦不過取輔相之義而非其官號然前代所置左右相實據此立名今故仍託始於殷代焉

尚書說命爰立作相王置諸其左右孔安國傳於是禮命

立以為相使在左右蔡沈書集傳置諸左右蓋以冢宰兼師保也

尚書序召公為保周公為師相成王為左右蘇軾書傳三公論道左右

相任事周召以師保為左右相

謹案三代置相雖本左右輔相之義非設有是官然惟王朝得稱之至秦置丞相亦天子之制若春秋侯國準周制僅當置三卿乃左傳稱齊慶封為左相史記齊世家崔杼為右相以上卿執國柄者亦稱為相凌越殊甚

逮漢世而諸侯王皆得置相名實尤為乖舛蓋自周衰禮廢僭濫相仍殊不足為典則也

秦

史記秦本紀武王二年初置丞相樛里疾甘茂為左右丞

相也應劭曰丞者承也相者助也

杜佑通典始皇尊立呂不韋為相國則相國丞相皆秦官

也又漢官儀云皆六國時官金印紫綬掌丞天子助理萬幾秦初有左

右荀悅曰秦本次國命卿二人是以置左右丞相無三公官至二世復有中丞相

漢

漢書百官公卿表相國丞相皆秦官金印紫綬掌丞天子

助理萬幾秦有左右高帝即位置一丞相杜佑曰高帝元年拜曹參為假

左丞相即漢初丞相當有左右今言一丞相或漢書之誤十一年更名相國緣綬孝惠

高后置左右丞相文帝二年復置一丞相有兩長史秩千

石張湯傳殺臣者三長史也顏師古注兼有守者非正員故耳哀帝元壽二年更名大

司徒武帝元狩二年初置司直比二千石掌佐丞相舉不

法

謹案丞相之名始於秦而始皇尊呂不韋為特置相國

則相國在丞相之上蓋猶後世之平章軍國重事也漢

初丞相與相國迭為廢置則不過一官異名與秦制少

異迨魏既置丞相而司馬師兄弟復為相國則仍尊於

丞相矣又漢自文帝時周勃罷免陳平獨相遂專置一

相武帝征和二年雖以劉屈氂為左丞相分丞相長史

爲兩府以待天下遠方之選然右相實未嘗授也

章如愚羣書考索漢初或因軍功而加丞相者樊噲酈商

或假丞相之名王應麟曰高帝三年以韓信爲左丞相曹參樊噲左酈商右皆借此名以出軍又尹

恢以左丞又漢制常以列侯爲相自公孫宏以布衣數年

登相位而後封平津侯

謹案樊噲酈商等假相名以出軍此卽後世使相之始

通典成帝綏和元年御史大夫何武建言古者民謹事約

國之輔佐必得賢聖然後則天三光備三公官三光日月星各

有分職今末俗之弊政事煩多宰相之才不能及古而今

丞相獨兼三公之事所以大化久未洽也宜建三公官定

卿大夫之任分職授政以考功效於是上拜曲陽侯王根

爲大司馬而何武自御史大夫改爲大司空皆金印紫綬

比丞相則三公俱爲宰相

唐六典秦置丞相省司徒漢因之至哀帝元壽二年更名

大司徒與大司馬大司空爲三公王應麟曰漢人見牧誓司馬司徒司空亞旅以

爲古三公不知此乃爲諸侯時制

漢書哀帝紀元壽二年五月正三公官分職董賢爲大司

馬孔光爲大司徒彭宣爲大司空

太平御覽漢官典職曰司徒本丞相官哀帝改爲大司徒

主司徒眾馴五品府與蒼龍闕對厭於尊者不敢稱府也

謹案漢自霍光以大司馬大將軍平尙書事遂秉國政

則未建三公以前丞相已屬具官特其虛名尙存故霍

光傳奏事內丞相臣敞仍列於大司馬大將軍臣光之前也至元壽中正三公官於是大司馬徑居大司徒之上矣又案御史大夫漢時稱為副相故杜佑以為若同平章事參知機務之類然其所掌乃外督部刺史內受公卿奏事舉劾案章並非鈞衡之任今故仍入都察院表內不列於此焉

通典後漢廢丞相及御史大夫而以三公綜理眾務則三公復為宰相

後漢書百官志太尉公一人

本注曰掌四方兵事功課歲盡即奏其殿最而行賞罰凡郊祀之事掌亞獻凡國有大造大疑則與司徒司空通而論之國有過事則與二公通諫爭之世祖即位為大司馬建武二十三年改為太尉長史一人千石本注曰署掾史屬二十四人

本注曰漢舊注東西曹掾比四百石餘掾比三百石屬比二百石故曰公府掾比古元士三命者也或曰漢初掾史辟皆上言之故有秩比命士其所不言則為百石屬其後皆自辟除故通為百石云西曹主府史署用東曹主二千石長吏遷除及軍吏戶曹主民戶祠祀農桑奏曹主奏議事辭曹主辭訟事法曹主郵驛科程事尉曹主卒徒轉運主貨幣鹽鐵事倉曹主倉穀事黃閣主簿錄省眾事令史及御屬二十三人本注曰漢舊注公令史百石自中興以後注不說石數御屬主為公御閣下令

史主閣下威儀事記室令史主上章表報書○司徒公一人本注曰掌水士事凡營城起邑浚溝洫修墳防空公一人本注曰掌水士事凡營城起邑浚溝洫修墳防史一人千石掾屬三十一人令史及御屬三十六人○司

事與太尉同世祖即位為大司徒建武二十七年去大長

七年屬長史一人千石掾屬三十一人令史及御屬四十二人

後漢書獻帝紀建安十三年罷三公官置丞相御史大夫

曹操自為丞相杜佑曰後漢又有相國

謹案楊秉稱漢世故事三公之職無所不統語見後漢書列傳第

四十四故其曹屬甚多自兵刑錢穀以及長吏遷除皆歸

三府之綜核後代宰相職任雖遞有更移而唐尚書都

省之左右司宋中書門下之八房五房亦莫不總轄庶

務蓋自漢以來六曹皆宰相之統屬也自明革中書省

析其事權歸之六部始得專達於天子而內閣惟司票

擬之職與古制迥異矣今略採後漢志所載以見其凡

而唐宋以後都省屬官則仍詳列於六部表內不復系之內閣云

後漢書仲長統傳光武矯枉過直政不任下雖置三公事

歸臺閣章懷太子注臺閣謂尚書也自此以來三公之官備員而已

永樂大典續事始曰光武卽位政事不任三公而盡歸臺

閣三公皆擁虛器凡天下之事盡入尚書嘗見後漢羣臣

章奏首云臣某奏疏尚書猶今言殿下陛下之類雖是不

敢指斥而言亦足見其居要地而秉重權矣當時事無巨

細皆是尚書行下三公或不經由三公徑下九卿故在東

漢時不惟尚書之權重九卿之權亦重者此也原注案光武不任三

公事歸臺閣者蓋當時謂六尚書臺猶今言尚書者也

後漢書百官志尚書令一人千石

本注曰承秦所置掌凡選署及奏下尚書曹文

書眾事

尚書僕射一人六百石

本注曰署尚書事令不在則奏下眾事劉昭注曰獻帝分

置左右僕射

左右丞各一人四百石

本注曰掌錄文書期會左丞主吏民章服及騶伯史

右丞假署印綬及紙筆墨諸財用庫藏

太平御覽漢官儀曰尚書令主贊奏總典綱紀無所不統

秩千石故為之者朝會不陞奏事增秩二千石天子所服

五時衣賜尚書令其三公列卿將大夫五營校尉行複道

中遇尚書令僕左右丞皆迴車預避衛士傳不得迂臺官

臺官過乃得去

歐陽詢藝文類聚百官表曰尚書令銅印墨綬總攝諸曹

出納王命敷奏萬幾

永樂大典漢制叢錄曰尚書蓋少府之屬本因秦制置之

有令僕有丞郎西京之世為尚書者權任猶輕自入東漢

天下之政總歸尚書而三公共位則權任之重大異西京

雖然章帝世韋彪上疏言天下樞要皆在尚書尚書之選

豈可不重而閒者多從郎官超升此位雖曉文法善於應

對然察察小慧頗無大能宜簡嘗歷州宰素有名者觀此

則知東漢尚書持權甚重而選任猶輕非良典也

謹案後漢以尚書為機衡之任故雖為三公者亦必錄

尚書事然後得知國政如趙熹牟融鄧彪徐防張禹李

固之徒皆是然其時三公尚存輔弼虛名而為尚書令

者不過銅印墨綬未可遽指為宰相亦猶明初大學士

官止五品也逮至唐宋而令僕及左右丞遂為宰執正官今故並列諸表若夫尚書及尚書郎之分掌曹務者則仍入六部表內茲不具載云

三國

〔三國蜀志〕先主章武元年以諸葛亮為丞相許靖為司徒

後主建興十二年以蔣琬為尚書令總統國事蔣琬本傳

軍錄尚書事

謹案蜀漢既有丞相又有司徒兩官並置與東西京稍異至蔣琬以尚書令知國政則猶沿東漢舊制以尚書為機衡之任也

〔通典〕魏黃初元年改丞相為司徒而文帝復置中書監令並掌機密自是中書多為樞機之任其後定制置大丞相第一品後又有相國齊王以司馬師為之高貴鄉公以司馬昭為之

〔晉書職官志〕魏武帝為魏王置祕書令典尚書奏事文帝黃初初改為中書置監令以祕書左丞劉放為中書監右丞孫資為中書令監令蓋自此始也又置通事郎次黃門郎

〔羣書考索〕魏文帝時置中書監令並掌機密自是中書多為樞機之任其後或置丞相或相國或司徒而中書監令常掌機密多為宰相之任於是權在中書

謹案中書之名肇於漢徐堅引謝靈運晉志稱以總掌

禁中書記謂之中書者是也自魏設中書監令後世遂與尚書門下並稱三省均為宰相之職然以今制考之尚書省職掌已分入六部門下省亦僅存給事中一官其內閣規制所承惟中書一省而已今故以尚書門下官制參載入六部六科表內而中書省官制則專列內閣一門謹發其凡於此焉

通典注吳有左右丞相

晉

晉書職官志丞相相國並秦官也晉受魏禪並不置自惠帝之後省置無恆為之者趙王倫梁王彤成都王穎南陽王保王敦王導之徒皆非復尋常人臣之職

通典晉惠帝永寧元年罷丞相復置司徒永昌元年罷司徒并丞相則與司徒不並置矣丞相與司徒廢置非一其後或有相

國或有丞相省置無恆而中書監令常管機要多為宰相之任元帝渡江以王敦為丞相轉司徒荀組為太尉以司徒官屬并丞相為畱府敦不受成帝以王導為丞相罷司徒府以為丞相府導薨罷丞相復為司徒府相國丞相皆衮冕綠盤綬

盤音吏

謹案晉初未設丞相武帝即位以安平王孚為太宰鄭冲為太傅王祥為太保義陽王望為太尉何曾為司徒荀顛為司空石苞為大司馬陳騫為大將軍八公並置蓋皆台司之職然特假以名號不必盡知國政今故不

取官表卷二
列於表嗣是以迄梁陳太宰太尉司空大司馬諸官廢
置無常其爲之者亦必錄尙書事及兼中書監令者始
能參預機密已非宰相之任今亦槩從略焉

晉書職官志中書監及令並置一人魏置通事郎黃門郎
黃門郎已署事過通事乃署名已署奏以入爲帝省讀書
可晉改曰中書侍郎員四人中書舍人晉初置江左謂之
通事舍人掌呈奏案後省而以中書侍郎一人直西省又
掌詔命杜佑曰魏晉以來中書監令地在樞近多承寵任是以人固其位謂之鳳凰池焉

徐堅初學記中書令魏晉以來皆置一人品第三妙選文
學通識之士爲之掌王言江左更重其任多以諸公兼之

古者宰相本是三公至魏晉中書令掌王言才望既重多以諸公兼之近世以來若三公無其人則闕而中書令當

掌輔之任

通典注張華爲中書令侍中劉卞謂華曰公居阿衡之地
庾亮庾冰相次爲中書監冰經綸時務升擢後進朝野注
心咸曰賢相

謹案杜佑此注蓋以證晉代中書監令爲宰相之職然
考張華本傳華被害時張林稱詔詰之曰卿爲宰相云
云則史文已明言宰相矣佑失於徵引未免稍疏

宋齊梁陳

宋書百官志相國一人宋順帝時齊王爲相國丞相一人
宋世祖初以南郡王義宣爲丞相而司徒府如故

南齊書百官志國相齊不用人以爲贈不列官

隋書百官志梁武受命有丞相太宰太傅太保大將軍大司馬太尉司徒司空等官陳承梁皆循其制而又置相國位列丞相上并丞相太宰太傅太保大司馬大將軍並以爲贈官

通典自魏晉以來宰相但以他官參掌機密或委知政事者則是矣無有常官其相國丞相或爲贈官或則不置自爲尊崇之位多非尋常人臣之職其眞爲宰相者不必居

此官

宋文帝初徐羨之爲司空錄尚書事後以江湛王僧綽俱爲侍中任以機密後又以殷景仁爲侍中左衛將軍與侍中右衛將軍王華侍中左衛將軍王曇首侍中劉湛四人俱居門下皆以風力局幹冠冕一時初王宏爲江州刺史加侍中後徵輔政以爲侍中錄尚書事而宏弟曇首爲文帝所任與華相埒華常謂己力用不盡每嘆息曰宰相頓有數人天下何由得理湛母憂去職後徵爲太子詹事知給事中與殷景仁並破任遇湛常曰今代宰相

何難此正可當我南陽郡漢代功曹耳沈演之爲侍中衛將軍文帝謂之曰侍中領衛俱爲優重此蓋宰相便坐卿其勉之齊王儉爲侍中尚書令嘗謂人曰江左風流宰相惟有謝安蓋自況也明帝顧命江祜兄弟及始安王遙光尚書令徐孝嗣領軍蕭坦之更日帖勅時呼爲六貴皆宰相也梁何敬容爲侍中時徐勉爲僕射參掌機事以疾陳解因舉敬容自代故敬容遷爲僕射侍中如故此並爲宰相後敬容屢轉他官參掌如故又王訓爲侍中武帝問敬容曰褚彥回年幾爲宰相對曰少過三十帝曰今之王訓無謝彥回彥回宋明帝時爲侍中又周捨卒後朱異爲散騎常侍代掌機密案此則或掌機密或錄尚書或綜機密或管朝政或單侍中或給事中或受顧命皆宰相也然侍中職任機密之司不必他名亦多爲宰相

宋書百官志錄尚書職無不總王肅注尚書納於大麓曰堯納舜於尊顯之官大錄萬幾之政也凡重號將軍刺史皆得命曹授用惟不得施除及加節宋世祖孝建中不欲威權外假省錄大明末復置此後或置或省尚書令任總

機衡僕射尚書分領諸曹五尚書二僕射一令謂之八座
南齊書百官志錄尚書尚書令總領尚書臺二十曹為內
臺主無令左僕射為臺主與令同

隋書百官志梁尚書省置令左右僕射各一人令總統之
僕射副令又與尚書分領諸曹左右丞各一人佐令僕射
知省事陳並遵梁制

初學記侍中漢以為加官無常員晉宋齊梁陳置四人齊
職儀及五代史志云晉宋齊梁陳侍中並與三公參國政
直侍左右應對獻替法駕出則正直一人負璽

唐六典注門下省侍中南齊以功高者一人為祭酒掌詔
令機密

鄭樵通志中書令宋與晉同梁中書監令清貴華重大臣
多領之其令舊遷吏部尚書才地俱美者為之陳因梁制
○中書侍郎宋用散騎常侍為之齊梁皆四人梁以功高
者一人主省内事陳因之○宋初置中書通事舍人四員
入直閣內出宣詔命凡有陳奏皆舍人持入參決於中自
是則中書侍郎之任輕矣齊永平初中書通事舍人四員
各任一省時謂之四戶權傾天下與給事中為一流梁用
人殊重簡以才能不限資地多以他官兼領後除通事字
直曰中書舍人專掌詔誥兼呈奏之事魏晉以來詔誥皆
中書令及侍郎掌之至是始專於舍人陳置五人

隋書百官志陳國之政事並由中書省有中書舍人五人

領主事十人書吏二百人書吏不足并取助書分掌二十
一局事各當尚書諸曹並爲上司總國內機要而尚書惟
聽受而已

謹案宋齊而降相國丞相既不常置三公官亦僅擁虛
名惟尚書任總機衡爲宰相之職故當時稱尚書令僕

曰朝端

南齊書王晏傳既居朝端事多專決

又曰端右

宋書王僧達傳上初踐阼即居端右

胡三省通鑑注謂位居朝臣之右是也又侍中參掌機
密亦爲相職故王華官侍中稱宰相頓有數人而南齊
竟陵王子良以司徒兼侍中親爲眾僧賦食行水世以
爲失宰相體是也至中書之職至梁陳而彌重故大臣
之預國論者必兼中書監令尤爲政本之地唐宋以三

省長官爲宰相其規模已肇於此謹具列諸表用徵源
委若其時以他官參領政事見於史者如領軍將軍衛
將軍右將軍衛尉給事中之類皆得稱爲宰相然特出
人主一時委任而並非正官今故不列於表

馬端臨文獻通考案自後漢時雖置三公而事歸臺閣尚
書始爲機衡之任然當時尚書不過預聞國政未嘗盡奪
三公之權也至魏晉以來中書尚書之官始眞爲宰相而
三公遂爲具員其故何也蓋漢之典事尚書中書者號爲
天子之私人及叔季之世則奸雄之謀篡奪者亦以其私
人居是官而所謂三公者古有其官雖鼎命將遷之時大
權一出於私門然三公未容遽廢也故必擇其老病不任

事依違不侵權者居之東漢之末曹公爲丞相而三公則楊彪趙溫尚書令中書監則二荀華歆劉放孫資之徒也魏之末司馬師昭爲丞相而三公則王祥鄭沖尚書令中書監則賈充荀勗鍾會之徒也蓋是時凡任中書者皆運籌帷幄佐命移祚之人凡任三公者皆備員高位畏權遠勢之人而三公之失權任中書之秉機要自此判矣至丞相一官西漢廢於哀帝之時東漢本不置丞相建安特置之以處曹操魏本不置丞相正始特置之以處司馬師昭及晉則不置正符堅所謂朕以龍驤建業之說也然東晉以至宋齊梁陳隋皆有之夫中書監旣爲宰相之任則升其品秩可也丞相旣不爲宰相之任而常爲嬪代之階則廢其名字可也今觀魏以後之官品中書監僅爲三品而黃鉞大將軍大丞相諸大將軍則爲一品二品然此數官者未嘗以授人特宋齊梁陳隋將受禪則居之此外則王敦桓溫侯景亦嘗爲之夫高官極品不以處輔佐之臣而又存其名字使亂臣賊子遞相承襲以爲竊大物之漸非所以昭德塞違明示百官也

謹案馬端臨所論蓋以譏魏晉以來官品之失序唐宋侍中僕射爲二三品而中書門下侍郎之同平章事者僅四品明代尚書正二品而大學士之參預閣務者僅五品等級錯貿亦同前代之失至

本朝升大學士正一品尚書從一品體統相維名實允稱

法制洵昭盡善矣

後魏

魏書官氏志神瑞元年置八大人官總理萬幾世號八公
眞君五年正月侍中中書監宜都王穆壽司徒東郡公崔
浩侍中廣平公張黎輔政置通事四人

通典後魏舊制有大將軍不置太尉有丞相不置司徒自
正光以後始俱置之然而九重門下官多以侍中輔政則
侍中爲樞密之任侍中後魏置六人加官在其數

王應麟玉海政歸尚書漢事也歸中書魏事也元魏時歸
門下世謂侍中黃門爲小宰相

通典後魏天興元年置八部大人於皇城四方四維面置

一人以擬八座謂之八國各有屬官分尚書三十六曹及
諸外置令大夫主之四年又復尚書三十六曹天賜元年
復罷尚書三十六曹別置武歸修勤二職分主省務至神
廬元年始置僕射左右丞及諸曹尚書十餘人各居別寺
謹案後魏雖有丞相司徒等官而門下省獨膺鈞衡之
寄故侍中稱爲宰相然考魏書任城王澄奏以爲尚書
政本而王肅官尚書令爲澄所禁止咸陽王禧奏澄擅
禁宰輔免官則尚書令亦宰相也

初學記後魏置中書監位在令上中書舍人掌制誥又別
置通事舍人掌宣奏

富大用事文類聚魏置中書監令各一人監爲正一品令

為正二品

謹案後魏中書之職其清要不及南朝然如高允崔光等為之皆得參預密議當時又號為西臺大臣蓋其所掌亦宰相之事也

謝維新合璧事類摘奇曰後魏古弼為尚書令參知政事謹案唐之參知政事為真宰相宋之參知政事降宰相一等據合璧事類所載則後魏時已有此名矣以文義推之蓋謂其以尚書令輔政猶明代拜大學士者必曰入閣參預機務之類非實有是官號也

北齊

隋書百官志後齊置官多循後魏乾明中又置丞相河清

中分為左右亦各置府僚

通典北齊置丞相分為左右然而為宰相秉朝政者亦多

為侍中

趙彥琛元文遙和士開同為宰相皆兼侍中

初學記五代史百官志

隋志兼梁陳齊周為五代

北齊侍中六人掌獻

納諫正及進御之職參與諸公論國政也

通典北齊尚書省亦有錄令僕射總理六尚書事謂之都省亦謂之北省後濟北王以太子監國立大都督府與尚書省分理眾事仍開府置佐

隋書百官志後齊中書省管司王言及司進御之音樂監

令各一人侍郎四人又領舍人省

掌署勅行下宣旨勞問

中書舍人

主書各十八

謹案北齊侍中最稱近密故杜佑以爲秉政之官然考北齊書祖斑傳斑欲求宰相乃疏趙彥琛元文遙和士開罪狀令劉逖入奏蓋思取其位而代之時彥琛爲尚書令士開爲中書監則尚書中書實相職矣又北齊時中書省兼掌音樂凡西涼清商諸部伶官皆中書侍郎之屬職守猥雜殊乖政典今併附見於此以著其失焉

後周

隋書百官志周太祖初據關內官名未改魏號及方隅初定改創章程命尚書令盧辯遠師周之建職置三公三孤以爲論道之官

太平御覽後周書曰文帝依周禮建六官遂置天官大冢宰卿一人掌邦理以建六典佐皇帝理邦國

孫逢吉職官分紀靜帝二年置左右大丞相八月去左右號以隋公楊堅爲大丞相

通典後周初有御伯中大夫掌出入侍從屬天官府保定四年改御伯爲納言斯侍中之職也宣帝末又別置侍中爲加官○中書監分北齊因魏制後周置內史中大夫二人掌王言亦其任也

謹案後周仿周禮設官故以大冢宰爲丞相之任而納言內史亦卽門下中書職掌惟是旣仿六官其勢必不能統於一省所以獨無尚書官屬與歷代不同耳

欽定歷代職官表卷二

南海桂銘球初校
順德羅 蔡覆校
番禺陶福祥再覆校

欽定歷代職官表卷三

內閣中

歷代建置中 隋至宋

隋

隋書百官志三公參議國之大事依後齊置府無其人則
關尚書省事無不總置令左右僕射各一人總吏部禮部
兵部都官度支工部等六曹事是為八座門下省納言二
人給事黃門侍郎四人錄事通事令史各六內史省置監
令各一人尋廢監置令二人侍郎四人舍人八人通事舍
人十六人主書十人錄事四人

杜佑通典隋有內史納言 即中書令侍中 是為宰相亦有他官參

預焉

柳述爲兵部尚書參掌機事又楊素爲右僕射與高顯專掌朝政

徐堅初學記中書令隋室諱中依周官改爲內史煬帝改爲內書令侍中隋文帝改爲納言置二人煬帝改爲侍內給事黃門侍郎煬帝去給事之名直曰黃門侍郎用人益重裴矩裴蘊爲之皆知政事

謹案隋代雖置三公以官高不除其秉國鈞者惟內史納言而尚書令事無不統卽不預機事亦稱政本之地故唐沿其制以三省爲宰相之職也至如柳述以尚書參掌機事楊素以僕射掌朝政裴矩裴蘊以黃門侍郎知政事則皆以他官而兼宰相之任其卽唐同平章事之所由昉歟

唐

舊唐書職官志唐初因隋號武德三年三月改納言爲侍中內史爲中書令內書省爲中書省龍朔二年二月甲子改尚書省爲中臺僕射爲匡政左右丞爲肅機中書門下爲東西臺侍中爲左相黃門侍郎爲東臺侍郎中書令爲右相侍郎爲西臺侍郎廢尚書令咸亨元年十二月詔龍朔二年新政尚書省百司及僕射已下官名並依舊光宅元年九月改尚書省爲文昌臺左右僕射爲文昌左右相門下省爲鸞臺中書省爲鳳閣侍中爲納言中書令爲內史垂拱元年改黃門侍郎爲鸞臺侍郎神龍元年二月臺閣官名並依永淳已前故事

冊府元龜先天二年十二月改元開元改中書爲紫微門
下爲黃門侍中爲監左右僕射爲左右丞相以兵部尚書
同紫微黃門三品姚元崇兼紫微令以尚書左僕射兼侍
中劉幽求爲尚書左丞相兼黃門監正官名也五年九月
改紫微黃門依舊爲中書門下天寶元年二月改侍中爲
左相中書令爲右相黃門侍郎爲門下侍郎尚書左右丞
相依舊爲左右僕射至德二載左右相依
舊爲侍中中書令
謹案唐初以三省之長中書令侍中尚書令爲宰相後
罷尚書令不置而左右僕射亦爲宰相自中葉以降他
官之同平章事者獨預機務而中書令侍中僕射遂僅
存虛名然其官則仍宰相職也今故首載沿革以明本

制而官數職掌並詳列於左用備考訂焉

〔唐六典〕尚書都省尚書令一人掌總領百官儀刑端揆武
德中太宗初爲秦王嘗親其職自是不復置國政樞密皆
委中書左右僕射開元初改左右丞相掌總領六官紀綱
百揆初亦宰相之職開元中張說兼之後罷知政猶爲丞
相自此之後遂不知國政

〔唐會要〕自武德至長安四年以前僕射並是正宰相故太
宗謂房元齡等曰公爲宰相當須大開耳目求訪賢哲卽
其事也神龍初豆盧欽望爲僕射不帶同中書門下三品
不敢參議政事數日後始加知軍國重事韋安石除左僕
射東都留守不帶同三品自後空除僕射不是宰相遂爲

故事

李肇國史補南省故事左右僕射上宰相皆送監察御史捧案員外奉筆殿中侍御史押門自丞郎御史中丞皆受拜而朝論以為臣下比肩事主儀注太重元和以後悉去舊儀惟乘馬入省門如故上訖宰相百僚會食都堂

舊唐書職官志門下省侍中二員掌出納帝命緝熙皇極總典吏職贊相禮儀以和萬邦以弼庶務所謂佐天子而統大政者也凡軍國之務與中書令參而總焉坐而論之舉而行之此其大較也門下侍郎二員掌貳侍中之職凡政之弛張事之子奪皆參議焉錄事四人主事四人

新唐書百官志中書省中書令二人掌佐天子執大政而

大四百四十八

總判省事侍郎二人掌貳令之職朝廷大政參議焉舍人六人掌侍進奏參議表章凡詔旨制敕璽書冊命皆起草進畫既下則署行以久次者一人為閣老判本省雜事又一人知制誥額進畫給食於政事堂其餘分署制勅以六員分押尚書六曹佐宰相判案同署乃奏主書四人主事四人杜佑通典主書晉本用武官宋改用文史齊於中書置主書令史北齊除令史字隋復加令史唐又除之胡三省資治通鑑注政事堂在東省屬門下自中宗後徙堂於中書省則堂在右省也案裴炎傳故事宰相於門下省議事謂之政事堂故長孫無忌為司空房元齡為僕射魏徵為太子太師皆知門下省事至中宗時裴炎為中書令執政事筆故徙政事堂於中書省

王應麟王海開元中十一張說為相又改政事堂號中書門下列五房於後曰吏樞機兵戶刑禮房分曹以主眾務焉

謹案唐以三省為政府故僕射侍中中書令三官其初皆宰相之任至中書門下兩侍郎凡同平章事者必帶是職則為宰相兼銜其有不同平章事而專為中書門下侍郎者則不過參預省事蓋如今內閣學士之職又中書舍人所掌為詔旨制勅進畫署行殆如今內閣之讀本批本亦與學士為相仿至今之內閣中書其官置自明初雖亦沿中書舍人之舊稱宋趙與峕賓退錄云今轉為中書舍人之稱案今內閣中書侍郎舊稱中書中書之單稱中書其源蓋出於此其實乃唐宋三省掾

屬非復舍人之職矣

通典唐侍中中書令是真宰相尚書左右僕射亦嘗為宰相其開或改為納言內史

左相右相黃門監紫微令等名其本即侍中中書令其餘也共有四員其僕射貞觀未加平章事方為宰相

以他官參掌者無定員但加同中書門下三品貞觀十七年以兵部尚書李勣同中書門下三品同中書門下三品自此始也

永瀆宏道之際裴炎為正議大夫守侍中崔知溫為正議大夫守中書令劉齊賢為中大夫守侍中並同中書門下

三品案此當以階卑官高令所給祿同三品耳當時權宜之制其後亦有階卑官高為侍中中書令者即更不言

及平章事知政事參知機務參與政事及平章軍國重事之名者並為宰相亦漢行丞

相事之例也自先天之前其員頗多景龍中至十餘人開

元以來常以二人為限或多則三人天寶十五年之後天

下多難勳賢並建故備位者眾然其秉鈞持衡亦一二人

而已

謹案同三品之名杜佑謂起於李勣而永樂大典引唐職林又謂長孫無忌爲太子太師同中書門下三品同三品自此始與通典不合考之於史無忌以貞觀二十二年檢校中書令知尚書門下三省事並未嘗同三品蓋職林之誤也

新唐書百官志唐因隋制以三省之長中書令侍中尚書令共議國政此宰相之職也其後以太宗嘗爲尚書令臣下避不敢居其職由是僕射爲尚書省長官與侍中中書令號爲宰相其品位既崇不欲輕以授人故嘗以他官居宰相職而假以他名自太宗時杜淹以吏部尚書參議朝

政魏徵以祕書監參預朝政其後或曰參議得失參知政事之類其名非一皆宰相職也貞觀八年僕射李靖以疾辭位詔疾小瘳三兩日一至中書門下平章事而平章事之名蓋起於此其後李勣以太子詹事同中書門下三品謂同侍中中書令也而同三品之名蓋起於此然二名不專用而他官居職者猶假他名如故自高宗以後爲宰相者必加同中書門下三品雖品高者亦然惟三公三師中書令則否其後改易官名而張文瓘以東臺侍郎同東西臺三品同三品入銜自文瓘始永淳元年以黃門侍郎郭待舉兵部侍郎岑長倩等同中書門下平章事平章事入銜自待舉等始自是終唐之世不能改宰相事無不統故

不以一職名官自開元以後常以領他職實欲重其事而反輕宰相之體故時方用兵則爲節度使時崇儒學則爲大學士時急財用則爲鹽鐵轉運使又其甚則爲延資庫使至於國史太清宮之類其名頗多皆不足取法故不著其詳

〔曾鞏隆平集唐故事左右僕射各一人侍中中書令各二人爲正宰相李勣任左僕射以南省務疏於北省始命帶同中書門下三品並同平章事者爲眞宰相其左右僕射不帶同三品者但釐尙書省務而已又有知政事參議朝政參預朝政參知政事參知機務皆宰相之稱也高宗謂參知政事崔知溫曰郭待舉岑長倩郭正一魏元同歷任

尙皆淺且令預聞政事未可與卿等同名待舉等並與中書門下同受進止平章事則是平章事亦或居參知政事之下其後方鎮遂有以恩授平章事者然而宰相謂之平章事蓋始於唐矣

〔新唐書宰相表唐因隋舊以三省長官爲宰相而又以他官參議而稱號不一出於臨時最後乃有同品平章之名然其爲職業則一也

謹案唐自肅宗至德以後其爲宰相者必曰同中書門下平章事終唐之世不復改易而至德以前未有定名稱號不一至爲繁冗馬端臨所謂唐代宰相名尤不正者是也今以新唐書宰相表考之前後多至四十餘名

其中惟尚書令納言內史令中書令左相右相尚書左右僕射侍中同中書門下三品爲宰相正官謹臚具於表用昭一代之制他如鳳閣鸞臺紫微黃門卽中書門下之改名其曰兼曰判曰守曰檢校者亦權攝之辭不爲定典今俱不列於表至其隨時暫置者有曰知政事曰參預朝政曰參議朝政曰知門下省事曰朝章國典參議得失曰參知政事曰專典機密曰平章政事曰同掌機務曰參知機務曰參掌機密曰參謀政事曰同知軍國政事曰兼知政事曰平章軍國重事曰參知機務曰軍國重事宜共平章雖皆宰相之任而大抵爲一人而設並非官號今亦略之云

大四百四十六

宋敏求春明退朝錄唐制宰相四人首相爲太清宮使次三相皆帶館職宏文館大學士監修國史集賢殿大學士以此爲次序

謹案唐代宰相皆兼館職故當時官制宏文館於門下省集賢殿書院史館祕書省俱隸於中書省也我

朝初置內國史內祕書內宏文三院以翰林官隸之蓋亦參仿唐制而設後復改內閣另置翰林院而大學士多兼翰林院掌院學士之職今

文淵閣領閣事亦以大學士充之館閣鴻規允符前典至內閣侍讀學士侍讀等官皆內三院未改時所置故其職銜悉視詞館然考其所掌實卽前代中書省官屬非

文學侍從者可比今故以唐宏文集賢史館祕書諸官沿革仍入翰林院表內焉

洪邁容齋隨筆侍中中書令爲兩省長官自唐以來居眞宰相之位而中書令在侍中上肅宗以後始以處大將故郭子儀僕固懷恩朱泚李晟韓宏皆爲之其在京則入政事堂然不與國事懿僖昭之時員浸多率由平章事遷兼侍中繼兼中書令又遷守中書令三省均稱使相皆大勅繫銜而下書使字五代尤多

春明退朝錄唐宰相奉朝請卽退延英止論政事大體其進擬差除但入熟狀畫可今所存有開元宰相奏請狀二卷鄭畋鳳池藁草內載兩爲相奏擬狀數卷祕府有擬狀

注制十卷多用四六皆宰相自草五代亦然

龐元英文昌雜錄禮部王員外因問唐宰相宿直否余言唐制宰相每日一人宿直開元二年姚崇爲紫微令崇年位已高時亦違其直次所由吏數持直簿詣之崇題其簿曰告直令吏遣去又來必欲取人有同司命老人年事終不擬當諸官歡笑不復逼以直十一年停宰相宿直見會要此其證也

五季

五代會要晉天福四年八月勅皇國革故庶政維新宜設規程以謝公共其中書知印祇委上位宰至一員五年三月升中書門下平章事爲正二品門下中書侍郎爲清望

正三品其翰林學士院公事並歸中書舍人

謹案五季承唐舊制以同中書門下平章事爲宰相其宰臣名姓具見於冊府元龜資治通鑑而五代新舊二史俱紀載漏闕儀文典制已無可考見今節採會要一條以著其略至後梁設崇政院使參謀議於禁中爲專掌機密之官蓋亦宰相之事以其官制與唐宋樞密院相承今故不入於內閣表內又唐莊宗建行臺於魏州嘗設左右丞相明宗長興四年以馮贇父名璋不欲斥其家諱改同平章爲同中書門下二品此皆一時偶置之名無關定則今亦不列於表云

宋

宋史職官志宰相之職佐天子總百官平庶政事無不統宋承唐制以同平章爲真相之任無常員有二人則分日知印以丞郎以上至三師爲之其上相爲昭文館大學士監修國史其次爲集賢殿大學士或置三相則昭文集賢二學士併監修國史各除唐朝以來三大館皆宰臣兼故仍其制國初范質昭文學士王溥監修國史魏文浦集賢學士此爲三相例也

春明退朝錄本朝置二相昭文修史首相領焉集賢次相領焉三館惟修史有職事而頗以昭文爲重自次相遷首相乃得之趙令初拜止獨相領集賢殿大學士續兼修國史久之方遷昭文館薛文惠與沈恭惠並相薛自參政領

監修拜相仍舊而沈頌集賢畢文簡與寇忠愍並相而畢頌監修寇領集賢王太尉獨相亦止頌集賢近時王章惠龐莊敏初拜及獨相悉兼昭文修史二職非舊制也

馬端臨文獻通考參知政事掌副宰相毗大政參庶務其除授不宣制不押班不知印不預奏事不升政事堂勅尾署銜降宰相一等

王闢之澠水燕談國初趙普爲相朝廷欲用薛居正呂餘慶同政而不欲令與普齊難其名號詔問陶穀曰唐有參知政事知機務下宰相一等故以命居正等參知政事然不押班不知印案唐以裴寂爲僕射參知政事郭待舉以資淺於中書門下同承受進止平章事然則平章下於參

政穀乃以爲參政下宰相一等失之遠矣其後因循不改迨官制更革始罷

江少虞宋朝事實類苑開寶六年勅參知政事薛居正呂餘慶於都堂與宰臣趙普同議公事是月又勅中書門下押班知印及祠祭行香今後宜令宰臣趙普與參知政事薛居正呂餘慶輪知既而復有釐革雍熙四年文德殿前始置參政輒位在宰相之後至道中寇萊公爲參知政事復與宰臣輪日知印正衙押班其輒位遂與中書門下一班書勅齊列銜街衢並馬宰相使相上事并有公事並升都堂及萊公罷遂詔只令宰臣押班知印參政止得輪祠祭行香正衙輒位次宰臣之下立凡有公事並與宰臣同

升都堂如宰臣使相上事卽不得升

〔隆平集〕宋興以平章事爲宰相以參知政事樞密使副知院同知院簽書院事並爲執政官

謹案宋自元豐以前皆仍唐制以平章事爲眞宰相而又別設參知政事稱執政官以爲宰相之副蓋其職如今之協辦大學士惟今協辦以尙書充之部務乃其本任故六曹奏事仍依尙書班次不爲內閣正員視宋制稍異云

〔宋史職官志〕神宗新官制於三省置侍中中書令尙書令以官高不除人而以尙書令之貳左右僕射爲宰相左僕射兼門下侍郎以行侍中之職右僕射兼中書侍郎以行

中書令之職廢參知政事置門下中書二侍郎尙書左右丞以代其任

〔玉海〕神宗史志云中書門下初在朝堂西榜曰中書爲宰相治事之所又有中書省門下省者存其名列皇城外中書省但掌冊文覆奏考帳門下省主乘輿八寶朝會位版流外考校而已中書令侍中不任職官制行悉釐正之乃廢中書門下省舍之在皇城外者併朝堂之西中書堂爲門下中書兩省以左右僕射兼門下中書侍郎又以兩侍郎副之

〔文昌雜錄〕元豐五年始命皇城使慶州團練使宋用臣建尙書新省在大內之西廢殿前等三班院以其地興造凡

三千一百餘間都省在前中曰令廳東曰左僕射廳次左丞廳西曰右僕射廳次右丞廳其後分列六曹華麗壯觀國朝官府未有如此之比

彭百川太平治述統類元豐五年六月詔自今事不以大小並中書省取旨門下省覆奏尚書省施行三省同得旨更不帶三省字行出輔臣有言中書獨取旨事體太重上曰三省體均中書揆而議之門下審而覆之尚書承而行之苟有不當自可論奏先是雖沿舊三省之名而莫究分省建官之意各得取旨紛然無統至是上一言遂定

葉夢得石林燕語自兩漢以來謂中書爲政本蓋中書省出令而門下省覆之王命之重莫大於此故唐以後以同

中書門下平章事爲宰相者此也尚書省但受成事行之耳本朝沿習唐制官制行始用六典別尚書門下中書爲三省各以其省長官爲宰相左僕射兼門下侍郎行侍中之職右僕射兼中書侍郎行中書令之職而別置侍郎以佐之則三省互相兼矣然左右僕射旣爲宰相則凡命令進擬未有不由之出者而左僕射又爲之長則出命令之職自己身行尙何省而覆之乎方其進對執政無不同則所謂門下侍郎者亦預聞之矣故批旨皆曰三省同奉聖旨旣已奉之而又審之亦無是理門下省事惟給事中封駁而已未有左僕射與門下侍郎自駁已奉之命者則侍中侍郎所謂省審者殆成虛文也元祐閒議者以詔令稽

留吏員冗多徒爲重複因有併廢門下省之意後雖不行然事有奏稟左相必批送中書右相將上而右相有不同往往或持之不上或退送不受左相無如之何侍郎無所用力事權多在中書自中書侍郎遷門下侍郎雖名進其實皆未必樂也

〔文獻通考〕三省俱爲政本之地無所不統長官則宰相所謂中書門下同平章事是也佐官則參知政事是也今元豐改官制旣以中書門下同平章事爲左右僕射參知政事爲中書門下侍郎尙書左右丞矣而復以左僕射兼門下侍郎右僕射兼中書侍郎則是旣自有佐官而復以長官兼之贅尤甚矣蓋神宗必欲復唐三省之職而蔡確以

有中書造命之說己爲次相兼中書侍郎王珪爲首相兼門下侍郎實欲陰擯珪於門下使不得與造命取旨之事苟以便其專政之私而不復顧體統名稱之不順也

謹案宋初宰相雖有同中書門下平章事之名其實但就中書內省爲政事堂與樞密對掌大政謂之兩府亦曰兩地其門下及中書外省惟以他官主判未嘗預聞政事也神宗改定官制始依唐制分尙書門下中書爲三省以其長官左右僕射兼門下中書兩侍郎爲宰相門下中書侍郎及左右丞爲執政而同平章事之名由此遂廢然考唐代所云同平章事者乃合中書門下爲一共議國是而元豐之制令三省各釐其務則取旨之

職轉獨歸中書他相仍屬具員其參預機密者止中書一相而已神宗此舉殆所謂泥古而不知變通者故當時以為不便未久而又更革焉謹據諸書詮次大略以著改制之由而宋志所載三省員數職掌亦具列其概如左

〔宋史職官志〕門下省侍中侍郎各一人侍中掌佐天子議大政審中外出納之事侍郎掌貳侍中之職中書省令侍郎各一人舍人四人令掌佐天子議大政授所行命令而宣之侍郎掌貳令之職參議大政舍人掌行命令為制詞尚書省尚書令左右僕射左右丞各一人令掌佐天子議大政奉所出命令而行之其屬有六曹凡庶務皆會而決

之凡官府之紀綱程式無不總焉大事三省通議則同執政官合班小事尚書省獨議則同僕射丞分班輪奏若事由中書門下而有失當應奏者亦如之左僕射右僕射掌佐天子議大政貳令之職與三省長官皆為宰相之任左丞右丞掌參議大政通治省事以貳令僕射之職

〔李心傳建炎以來朝野雜記〕政和中蔡京以太師總領三省號公相乃廢尚事令改侍中中書令為參輔右弼亦虛而不除改左右僕射為太宰少宰仍兼兩省侍郎靖康中何文縝將拜相夜夢人持弓矢射中其僕乃先乞復太宰少宰為僕射吳正仲當制請更為丞相不從

馬端臨文獻通考政和二年詔尚書令太宗皇帝曾任今宰相之官已多不須置然

不學之過

李心傳建炎以來繫年要錄建炎三年四月庚申右僕射呂頤浩言被旨參詳元祐司馬光建請併省奏狀臣等參酌欲尚書左右僕射並爲同中書門下平章事門下中書侍郎並爲參知政事左右丞並罷從之

周必大玉堂雜記乾道七年十二月辛酉有旨僕射之名不正欲採周漢舊制改左右丞相令有司討論必大時爲禮部侍郎兼權直學士院皆當與聞會眾議不齊遷延至明年正月戊寅謹條具歷代宰相官稱申尚書禁中卽間之明日遣中使來問緩故必大以實奏二月癸卯得御筆云尚書左右僕射可依漢制改作左右丞相學士院降詔

登時具草封入乙巳付外施行庚戌從駕過德壽宮旣歸得旨赴東華門祇候宣引西後宣入選德殿起居畢上袖出親劄云比來一二大臣同心輔政夙夜匪懈漸革苟且之風以副綜覈之意深可嘉尙今因除授宜示褒典虞允文可特進左丞相梁克家可正奉大夫右丞相必大鞠躬書除目進呈訖奏曰拜相轉官前例固不一今並命而或三或四更取聖裁上曰以其協心故褒進之然特進一官卽少保所以允文三官又問兼樞密使否上曰今樞密亦非古先改丞相稱呼將來別理會且帶可也又奏所領書局上曰卿自理會賜坐奏問旣改左右相其序位如何上曰欲升在三少之上三公之下逮闈請起宣坐賜茶飯訖

再拜而退時虞公獨相梁爲參政聞班列中但謂改易相名及雙制出愕然或疑學士多轉右相一官有所抑揚不敢辨也案祖宗時命相多以舊官其後往往遷秩近歲局修三省法乃著令轉三官茲豈當立法乎

〔玉海〕乾道八年三月二十日詔侍中中書尚書令設而不除可並刪去以左右丞相充其位

〔文獻通考〕乾道八年詳定敕令所言近承詔旨改左右僕射爲左右丞相令刪去侍中中書尚書令以左右丞相充緣舊左右僕射非三省長官故爲從一品今左右丞相係充侍中中書尚書令之位卽合爲正一品從之丞相官以太中大夫以上充參政以中大夫以上充常除二員或一

員嘉泰三年始除三員故事丞相謁告參預不得進擬惟丞相未除則參預輪日當筆多不踰年少纔旬月獨淳熙初葉衡罷官龔茂良行相事近三年亦創見也

謹案宋宰相官名前後凡五變同平章事一也左右僕射二也太宰少宰三也復爲左右僕射四也左右丞相五也執政官由參政改左右丞由左右丞復改參政亦凡兩變自孝宗乾道定制以後遂終宋世不復更革云

〔建炎以來朝野雜記〕國朝舊相特命平章軍國事者凡四人天禧初王文正公以首相告老拜太尉兼侍中五日一朝遇軍國大事不以時入參決公懇辭不拜慶厯初呂文靖公亦以首相求罷拜司空平章軍國重事公辭之元祐

初文忠烈公自太師落致仕除平章軍國事未幾呂正獻公以右揆求去亦除司空同平章軍國事潞公五日一朝申公兩日一朝非朝日不至都堂開禧元年初置平章軍國事以命韓侂胄蓋侂胄繫銜比申公省同字則其體尤尊比潞公省重字則其所與者廣其後邊事起尙書省印亦納於其第宰相僅比參知政事不復知印矣

宋史度宗本紀咸淳元年二月平章軍國事賈似道位在丞相上

宋史職官志親王樞密使畱守節度使兼侍中中書令同平章事者皆謂之使相不預政事不書勅宣勅除授者勅尾存其銜而已乾道二年范質等三相皆罷以趙普同平

章事無宰相書勅使問翰林陶穀穀謂唐太和中甘露事數日無宰相時左僕射令狐楚等奏行制書今尙書亦南省長官可以書勅竇儀曰穀之所陳非承平令典今皇弟開封尹同平章事卽宰相之任也可書勅從之

石林燕語唐制節度使加中書門下平章事爲使相自郭元振始李光弼等繼之蓋平章事宰相之名以節度使兼故云爾也國朝因之元豐官制罷平章事名而以開府儀同三司易之亦帶節度使謂之使相蓋以儀同爲相也

春明退朝錄唐大帝時始有同中書門下三品時中書令侍中皆正三品大庠中並升爲二品晉天福五年升中書門下平章事爲正二品國初樞密使吳延祚以父諱璋加

同中書門下二品用升品也

謹案宋代平章軍國事同平章軍國事平章軍國重事諸銜所以優禮耆舊而奸臣亦或竊據之以爲重然皆特置之名今故不列於表至使相本沿唐制非三省正員同中書門下二品亦出一時偶置不爲常典今並不列于表

〔吳處厚青箱雜記景德中上欲優寵王欽若乃特置資政殿學士以處之旣而有司定議班在翰林學士下尋又置資政殿大學士以欽若爲之而班在翰林承旨之上資政殿有大學士自欽若始

〔石林燕語皇祐初丁文簡公罷參知政事初除觀文殿學

士以易紫宸之名而已其後加大學士以命賈文元始詔非嘗任宰相不除觀文殿大學士遂爲宰相職名

謹案唐景龍中始置宏文館大學士其後又置集賢大學士皆以宰相兼領之至宋而王欽若以前執政授資政殿大學士賈昌朝以舊宰相授觀文殿大學士其資望遂極隆峻必曾任宰相者方得除授雖當時不以爲職事官與三省無涉而明代閣臣之爲大學士其稱名實本於此今特著其略以明權輿所自至宋代宰相判署之式班位之序遷除之格赴上之儀兼領之職見於諸家說部者最詳一代典章尙可考見今並採掇大要類敘左方用資參考焉

〔王曾筆錄〕舊制宰相早朝上殿命坐有軍國大事則議之常從容賜茶而退自餘號令除拜刑賞廢置事無巨細並熟狀擬定進入上於禁中親覽批紙尾用御寶可其奏謂之印畫降出奉行而已由唐室歷五代不改其制國初范質王溥魏仁浦在相位自以前朝相且憚太祖英睿請具劄子面取進止朝退各疏其所得聖旨同署字以志之盡稟承之方免差誤之失帝從之自是奏御寢多或至盱眙於今遂爲定式

〔陸游老學庵筆記〕舊制兩省中書在門下之上元豐易之又丞相署敕皆著姓官至僕射則去姓元豐新制以僕射爲相故皆不著姓

〔事實類苑〕中書劄子宰相押字在上次相及參政以次向下樞密院劄子樞長押字在下副貳以次向上以此爲別〔春明退朝錄〕二府舊以官相壓李文正自文明殿學士工部尚書爲參知政事而宋惠安公乃自左諫議大夫參知政事遷刑部尚書居其上至祥符末王沂公與張文節公同參知政事王轉給事中張轉工部侍郎而班沂公下意頗不悅乃復還貳卿之命止以舊官優加階邑自後第以先後入爲次序

謹案宋代二府班次初以所帶職銜高下爲序繼以入政府之先後爲序皆聽其臣下以意爲之殊乖典式本朝定例大學士初授內閣以行走班次奏請

欽定於班朝莅官之法益昭嚴重矣

徐度卻掃編國朝宰相樞密使必以侍郎以上爲之若官舊尊則守本官官卑則躡遷侍郎官制行初相止除太中大夫崇寧後必超進數官政和以後至有徑遷特進者靖康初吳少宰敏自中大夫躡進銀青光祿大夫引故事自言於是改太中大夫就職參知政事樞密副使必以諫議大夫爲之權御史中丞亦然熙寧中始有本官帶待制權中丞者官制後初拜執政遷中大夫而中丞不復遷官矣丁謂談錄近代宰臣節帥降拜出自宸衷不欲預聞於外故以隔日宰臣百官出後密詔翰林學士懷具員冊入禁闈上前議定是夕草制中夜進入五更降出以麻紙大書

之一行只可三字謂之白麻何者緣黃紙始自唐高宗朝以來只是中書出勅得使之所以內制用麻紙翊日乃以繡幘葢於箱中置於案上謂之麻案設於御座左右候進呈事退卽降麻而宣之訖送中書出勅寫官告勅紙廣幅與常紙不同年月之後署執政參政宰相銜署字後方接次列使相銜不押字其官告卻只下直日知制誥官名宣奉行更不下原撰麻詞翰林學士名銜緣翰林學士無例於中書行詞故也然後選上事日於閣門受告勅後始赴上若使相卽中書正宰相送上至中書都堂正宰相坐東位使相看幾員列坐西位訖然後逐位就牙牀小案子上判案三道仍側坐拽一腳候幾員各判案訖正宰相退然

後看使相是幾員並正面並坐受賀其參政於中書都堂無位

〔卻掃編〕唐中葉以後宰相兼判度支最爲重任國朝開寶五年嘗命參知政事薛居正兼提點三司淮南江南諸路水陸轉運使呂餘慶兼提點三司荆湖廣南諸路水陸轉運使明年薛拜相仍領轉運使事又命平章事沈義倫兼提點劍南轉運使蓋襲唐之遺制也仁宗朝司馬溫公爲諫官以天下財用不足請建置總計使用輔臣領之以總天下之財紹興初孟觀文庾以參知政事兼總制戶部財用然不入銜

〔建炎以來朝野雜記〕制國用使舊未有隆興初言者請法

有唐之制命宰臣兼領三司使職事財穀出納之大綱宰相領之於上而戶部治其詳上是之命祕書討論來上乾道二年冬遂命宰相兼制國用使參知政事同知國用事八年正丞相官名詔所有兼制國用事與參政更不入銜云

〔卻掃編〕唐以宰相兼太清宮使本朝祥符間以首相領玉清昭應宮使又置景靈宮會靈祥源觀使以次相及樞密使次第領之執政爲副使侍從爲判官天聖初昭應宮災始罷輔臣宮觀等使名政和中詔天下咸建神霄玉清萬壽宮復置使宰相使相領之執政爲副使侍從爲判官蓋欲重其事也

春明退朝錄翻譯新經始以光祿卿湯悅兵部員外郎張洎潤色之後趙文定楊文公晁文莊李尚書維皆爲譯經潤文官天禧中宰相丁晉公始爲使天聖三年又以宰相王冀公爲使自後元宰繼領之然降麻不入銜又以參政樞密爲潤文其事寔重慶厯三年呂許公罷相以司徒爲譯經潤文使明年致仕章郇公代之自後降麻入銜

謹案宋代宰相兼領宮觀等使其名猥多皆歐陽修所謂不足取法者謹附識於此此外尚有集禧觀使醴泉觀使佑神觀使乃當時所置祠祿以待退閑之宰執非現任兼領今故不著云

文獻通考熙寧時詔中書五房各置檢正二員在堂後官

之上都檢正一員在五房提點之上皆士人爲之

宋史職官志檢正官掌糾正省務熙寧三年置官制行罷之建炎三年中書門下省言軍興以來天下多事中書別無屬官今欲差兩員充中書門下省檢正諸房公事從之次年罷紹興二年復置一員

事實類苑中書有制勅院院內有五房第一房曰孔目房次吏房戶房刑房禮房舊每房堂後官二人一主生事第二人主熟事第三人發勅向下逐房有主事守當官名目行遣文書至道中逐房只置堂後官一人卻置主書錄事各一人仍別置提點五房一員迄今行之

太平治迹統類端拱元年以梁正辭等五人並爲將作監

丞充當中書堂後官淳化五年以殿中丞丁願言守本官後充堂後官堂吏自唐至漢周率自京有司以下人能書札行止廉幹者抽補分掌諸房公事年深卽授檢校少卿監同正至國初趙普在中書奏令檢校諸曹郎中自邇以來屢懲其貪而數惡其黨故參用士人有科第歷外官者至是復秩以朝籍蓋矯昔之枉也

〔建炎以來朝野雜記〕三省樞密院監門官舊以小使臣爲之嘉定六年九月諫官鄭景紹言部門以京朝官則省門事體尤重遂亦命京朝官曾作縣通判資序人爲之八年七月又置三省樞密院架閣官

謹案宋代中書官屬如錄事主書之類皆爲雜流堂後

官亦本吏職惟檢正以京朝官差充最稱清資故當時位序在尙書左右司之上以今內閣職掌核之侍讀學士似卽都檢正之職侍讀似卽檢正提點之職也

〔永樂大典〕何異孫中興百官題名記唐制百官告身分掌於其所部文則吏部掌之武則兵部掌之宗戚命婦司封掌之考校勳績司勳掌之國初悉因唐舊置院於右掖門之左凡吏兵封勳四司之告舉集諸此淳化五年始專置局命中書舍人一員提舉而以朝官一員判局事於是職任逾重元豐改制乃以文武官告身悉隸吏部而以蕃官隸兵部崇寧大觀或置或否大抵廢則皆歸吏部右選政和復置院仍差主管官二員中興以來因仍不改

職官表卷三
謹案宋官告院雖隸於尙書吏部其實自爲一署以職
掌考之蓋卽今之中書科其以中書舍人提舉則如今
之以內閣學士稽察中書科事也中書科現隸內閣故
宋之官告院亦析附於中書官屬之末焉

太倉錢清詒初校

南海桂 玷覆校

番禺陶福祥再覆校

欽定歷代職官表卷三

大三百五十九

